


文翰大成

百五十六之七

墓表
哀挽
自唐至明
自晋至明



漢書門	
三七四一	類
一四三	號
五	函
一〇〇	冊

三七四一	漢
一〇〇	冊
二一	函
三六二	架

内閣文庫	
番號	漢 3741
冊數	100 (96)
函號	362 68



綴じ部(喉部分)の文字など開きが不鮮明な箇所あり



孔子厚 一篇 李退林 一篇 岳和 一篇

歐陽永林 一篇 王介甫 二篇

王暉 一篇 梅堯臣 一篇 劉夢吉 一篇 徐夔 一篇

吳初清 一篇 元復初 一篇 鄭善之 一篇 宋用 一篇

蘇軾 一篇 王穉登 一篇 明 一篇 羅 一篇 羅 一篇

蘇軾 一篇 王穉登 一篇 明 一篇 羅 一篇 羅 一篇

國朝

類選大成卷第一百五十六墓表

目錄

漢董文庫

宋

柳子厚一篇 李遐朴一篇 呂和朴一篇

宋


歐陽永朴一篇 王介甫二篇

元

王惲一篇 楊煥然一篇 劉夢吉一篇 徐琰一篇

吳幼清一篇 元復初一篇 鄧善之一篇 袁伯長一篇

虞伯生一篇 王繼學一篇 宋誠夫



宋 濂 一篇 王禕 一篇 胡儼 一篇 楊士奇 二篇

揚榮 一篇 錢溥 二篇

文翰類選大成卷第百五十六墓表目錄

卷一百五十六

文翰類選大成卷百五十六

左長史上海李伯璵編輯

紀善慈谿馮厚校正

墓表類

唐

文通先生陸給事墓表

柳子厚

孔子作春秋千五百年以名為傳者五家今用其三焉秉觚牘焦思慮以為論注疏說者百千人矣攻訐狠怒以辭氣相繫排冒沒者其為書處則充棟宇出則汗牛馬或合而隱或乖而顯後之學者窮老盡氣左視右顧莫得而本則專其所學以訾其所異黨枯竹護朽骨以至於父子傷夷君臣詆悖者前世多有之甚矣聖人之難知也有矣郡人陸先生質以其

師友天水啖助。洎趙匡能知聖人之旨。故春秋之言及是而
光明使庸人小童皆可積學以入聖人之道。傳聖人之教。是
其德豈不侈大矣哉。先生字其既讀書得制作之本。而獲其
師友。於是合古今。散同異。聯之以言。累之以文。蓋講道者二十
年。書而志之者。又十餘年。其事大備。為春秋集注十篇。辯疑
七篇。微指二篇。明章大中發露公器。其道以生人為主。以堯
舜為的。苞羅旁魄。膠轄上下。而不出於正。其法以文武為首。
以周公為翼。揖讓升降。好惡喜怒。而不過乎物。既成以授世之
聰明之士。使陳而明之。故其書出焉。而先生為巨儒。用是為
天子爭臣。尚書郎國子博士給事中。皇太子侍讀。皆得其道。
刺二州守人知仁。永貞年侍東宮。言其所學為古君臣圖以
獻。而道達乎上。是歲嗣天子憲踐祚而理。尊優師儒。先生以

疾聞臨問。加禮。某月日終于京師。某月日葬于某郡某里。嗚呼先生道之存也。以書不及施於政道之行也。以言不及觀其理。門人世儒。是以增慟。將葬。以先生為能文聖人之書。通于後世。遂相與謚曰文通先生。後若干祀。有學其書者。過其墓。哀其道之所由。乃作石以表碣。

叔父殿中侍御史墓表

唐貞元十二年。二月庚寅。葬我殿中侍御史河東柳公於萬年縣之少陵原。公諱某。字某。邑居於虞鄉。曾王父某。官王父某。官皇考某。官奕世餘慶。叢而未稔。濟德流祉。其後宜大秀而不實為善者。惑嗚呼。哀哉。惟公敦柔峻清。恪慎端莊。進止咸。功有恒常。英風超倫。孤厲真方。居室孝悌。與人信讓。當職強毅。游刃立斷。自少耽學。頗工為文。既窮日力。又繼以夜。

鄉里推擇敦迫上道乃與計偕來游京師觀藝靈臺貢文有
司射策合程遂冠首科休有令問群士羨慕居數年授河南
府文學教勵生徒選擇貢士儒黨相賀庶人觀禮秩滿涓北
節度延為參佐總齊軍政甚獲能稱加太常寺協律郎既喪
主帥罷歸私室方將脫遺紛埃退與道俱冲漠保神優柔隸
儒四方聞風交馳鵠書載筆乘輅乃作參謀出入朔方陪佐
戎車遷大理評事又加章綬朱裳銀印宗黨有耀權略密勿
潛機埋照完彼亭堡時其講教實從我謀隣國是倣改度支
判官轉大理司直出納府庫頒給軍食下無讎歎黔首休息
月校歲會莫不如畫軍豐財羨制成計得又遷殿中侍御史
度支營田副使分閩之寄參制其半柔以仁撫剛以義斷戎
臣坐肅公堂無事朝廷延首方待以位既而祿不及伐水政不

專遠以其年正月九日遇疾終於私第年五十嗚呼痛
哉奔騏驎力中塗蹶足高鴻輕舉在雲際言危我所知哀慟
無及本道節度尚書朗寧王張公震悼涕慕不任于懷臨遣
牙將試殺中監李輔忠監備凶禮賻賻甚厚行軍司馬侍御史
高重規等匍匐救助事用無窮丹旆素車歸于上京撰期定
宅莫有愆素故友諸生宗人外親號恂會葬哀禮咸申克窆
玄堂掩坎厝輪轅勝餘哀憐勒休聲延垂後賢於
是汝南周公巢等相與書於用固不朽文曰
抱元淳稟粹和既強毅又柔嘉其文章司學徒儒風
揚自渭北佐朔方政開黔首惠文垂衣裳才不施天
茫茫刊樂石篆遺德死於烈垂憲則於萬年長無極

著作郎贈尚書少監李君墓表

李遐叔

君。姓權氏。諱臯。字士。水人。符秦尚書僕射翼之後。世為著姓。祖某。官父某。官咸有令德。君既冠。進士及第。試臨清尉。持節兼本道使。籍君高名。表為薊縣尉。充判官。無何。主將以逆節露。君乃詐死。去說沙江。免禍累。知幾其神。先帝聞而歎之。除評事御史。方議大用。屬太夫人病危。君侍奉憂勞。因中痼疾。無何。大夫人終。君泣血三年。厥疾用加。服除。遷起居舍人。著作郎。大曆元年四月某日。不幸逝於丹徒。因殯焉。享齡四十。嗚呼。識者慟哭。聞者痛心。君有大節。不可奪。大名不可掩。大才不可及。大行不可名。天與之仁。不與之年。哀哉。自開元天寶已來。高名下位。華方疾不能備舉。然所憶者曰。河南元君德秀。元終十年。而南陽張君有略。張歿二年。而君大元之志。如其首德。張之行。如其經術。君之才。如其聲望。人倫其瘁乎。公素與昌黎韓愈深。京兆王鎮卿。洎華友善。韓評君曰。可以為宰輔。王評君曰。可以為師保。華評君曰。可以分天下之善惡。一人而已矣。夫人隴西李氏。仁賢有一子。某生七年。暮禮過成人。嗚呼。有後哉。朝廷贈君以秘書少監。悼賢也。華自疾病。風曳杖而往。哭之常聞。師一之言曰。溫良而能斷者。宜歌齊。權君可謂溫良而能斷者也。故為齊風。表君之墓云。忠於而國。孝於而家。繁而不滓。瑜而不瑕。仁胡不壽。為善者何君不幸耶。時不幸耶。

廣陵陳先生墓表

呂和叔

有唐貞晦先生。廣陵郡崇邑鄉陳君曰融。無字。享年七十有二。遊不出鄉。考終厥命。嗚呼。至哉。良玉雖白。不受米醴。泉自甘。非有和。貞色續密。丹青無自入也。靈味天成。麴蘖無所資。

也。故生一生長而不學。大樸不遁乎輪轉。至音不諧乎宮商。曲直渾成。巧匠莫能材也。清濁一致。伶倫莫能器也。故先生老而不止。地虛而踐則有跡。器疎而扣則成聲。我踐惟實。跡不可得。二見也。我扣惟密。聲不可得而聞也。故先生沒而不稱。若夫為心養克孝。居喪致毀。事亡如存。朋友孜孜。兄弟怡怡。於鄉恂恂。於物熙熙。天性人道。其盡于茲。何必讀書。然後為學。知命曰。死幸。怡神為樂。樂天忘憂。自寵不驚。貴我。以道此非祿乎。何以入官。然後為仕。我有信順。自天蓋高。亦既知矣。謂神蓋幽。亦既聞矣。何必俗聲。然後為名。大哉先生。行不學之道。據不仕之責。實不稱之名。達人觀焉。斯亦極矣。予貞元初寓居是邑。言歸京國。道出其鄉。始見一鄉之人。以告我。子。言惠。切敬。可也乎。詞。

苑穆穆甚足異也。因揣之而歎曰。芳蘭所生。其草皆香。美玉所積。其山有光。此鄉之人。豈必盡仁。其必有賢者。生於是矣。遂停車累日。周訪故老。果曰。吾里常有陳融。孝慈仁信。不學不仕。鄉人見也。皆自欲遷善。遠罪亦不知其所以然。今也則亡。清風猶在。予於是慨然痛先生以純德至行。沉落光耀。宮闕軼廬之禮。士無表墓之文。知而不書。我執其咎。乃披與校。德謚曰。貞晦先生。窮徵其實。建石于路。用告將來之有識者。云爾。貞元五年秋八月東平呂溫述。

宋

灑岡阡表

歐陽永叔

嗚呼。惟我皇考崇公。卜吉于灑岡之六十年。其子脩始克表於其阡。非敢緩也。蓋有待也。脩不幸生四歲而孤。大夫人守

節自誓居窮自力於衣食以長以教俾至成人大夫人告之曰汝父為吏廉而好施與喜賓客其俸祿雖薄不使有餘曰母以是為我累故其亡也無一瓦之覆一壠之植以庇爾為生吾何恃而能守耶吾於汝父知其一二以有待於汝也自吾為汝家婦不及事吾姑然知汝父之能養也汝孤而幼吾不能知汝之必有立然知汝父之必有後也吾之始歸也汝父免於母喪方踰年歲時祭祀則必涕泣曰祭之豐不如養之薄也間御酒食則又涕泣曰昔常不足而今有餘其何及也吾始一二見之以為新免於喪適然耳既而其後常然至其終身未嘗不然吾雖不及事姑而以此知汝父之能養也汝父為吏嘗夜燭治官書屢歲而歎吾問之則曰此死獄也我求其生不得耳吾曰生可求乎曰求其生而不得則死者

我比日無恨也矧求而有得耶以其有得則知不求而死者有恨也夫常求其生猶失之死而世常求其死也回顧乳者抱汝立于旁因指而嘆曰術者謂我歲行在戌將死使其言然吾不及見兒之立也後當以我語言之其平居教他子弟常用此語吾耳孰焉故能詳也其施於外事吾不能知其居于家無所矜飾而所為如此是真發於中者邪嗚呼其心厚於仁者邪此吾知汝父之必將有後也汝其勉之夫養不必豐要於孝利雖不得博於物要其心之厚於仁吾不能教汝此汝父之志也脩泣而志之不敢忘先公少孤力學咸平三年進士及第為道州判官泗綿二州推官又為泰州判官享年五十有九葬沙溪之瀧岡太夫人姓鄭氏考諱德儀世為江南名族大夫人恭儉仁愛而有禮初封福昌縣太君進封樂安安康彭城三郡太君自其家少微時治其家以儉約

其後常不使過之曰吾鬼不能苟合於世儉薄所以居患難也其後脩貶夷陵太夫人言笑自若曰汝家故貧賤也吾處之有素矣汝能安之吾亦安矣自先公之亡三十年脩始得祿而養又十有二年列官于朝始得贈封其親又十年脩為龍圖閣直學士尚書吏部郎中留守南京太夫人以疾終于官舍享年七十有二又八年脩以非才入副樞密遂參政事又七年而罷自登二府天子推恩褒其三世故自嘉祐以來逢國大慶必加寵錫皇曾祖府君累贈金紫光祿大夫太師中書令兼尚書令曾祖妣累封楚國大夫人皇祖府君累贈金紫光祿大夫太師中書令兼尚書令祖妣累封吳國太夫人皇考崇公累贈金紫光祿大夫太師中書令兼尚書令皇妣累封越國太夫人今土初郊皇考賜爵為崇國公太夫人進號魏國於是小子脩泣而言曰嗚呼為善無不

不克有於其躬而賜爵受封顯榮褒大實有三朝之錫命是足以表見於後世而庇賴其子孫矣乃列其世譜具刻于碑既又載我皇考崇公之遺訓太夫人之所以教而有待於脩者並揭于阡俾知夫小子脩之德薄能鮮遭時竊位而幸全大節不辱其先者其來有自熙寧三年歲次庚戌四月辛酉朔十有五日乙亥男推誠保德崇仁翊戴功臣觀文殿學士特進行兵部尚書知青州軍州事兼管內勸農使充京東路安撫使上柱國樂安郡開國公食邑四千三百戶食實封一千二百戶脩表

寶文閣待制常公墓表

王介甫

右正言寶文閣待制特贈右諫議大夫汝陰常公以熙寧十年二月己酉卒以五月壬申葬臨川王安石誌其墓曰公學

不期言也。正其行而已。行不期聞也。信其義而已。所不取也。可使貪者矜焉。而非彫斲以為廉。所不為也。可使弱者立焉。而非矯抗以為勇。官之而不事。召之而不赴。或曰必退者也。終此而已。至公為今天子所禮。則出而應焉。於是天子悅其至虛已而問焉。使莅諫職。以觀其迪已也。使董學政。以觀其造士也。公所言乎上者。無傳。然皆知其忠。而不阿所施乎下者。無助。然皆見其正。而不苟。詩曰。胡不萬年。惜乎既病而歸死也。自周道隱。觀學者所取舍。大抵時所好也。遠俗而適已。獨行而特起。嗚呼。公賢遠矣。傳載公久莫如以石。石可磨也。亦可泐也。謂公且不朽。不可得也。

太常博士鄭君墓表

德安鄭湜著其父太常博士諱詒字正臣之行治閩閩地

因其妹婿廣陵朱介之以來請曰。鄭氏故家。蕪陽有善果者。卒於唐江州刺史。而子孫為德安人。自善果至。一三生裔。為樂清縣令。君之大父也。裔生東君。之入。以。授鄉里。而終不仕。君以景祐四年進士。為洪州都昌縣主簿。於是令老矣。事皆決於君。而都昌至今稱以為能。又為廬州合淝縣。扇盜發。輒得。故其後無敢為盜者。又為同州朝邑縣令。當陝西兵事起。案簿書。變民力。所堪以均賦役。而人不困。又掌集慶軍書記。歲旱。轉運使不欲除民租。以屬其守。而使君出視君。以實除民租如法。又遷秘書省著作佐郎。知南康軍。南康縣移知梧州。方是時。儂智高為亂。吏多辟匿。即不往。君獨亟往。治城。暫集吏民以守。而州無事。經略使舉君以知賓州。再遷至太常博士。而歸為陵臺令。召見言事。補旨。賜緋衣銀。

魚未赴以嘉祐三年三月二十四日卒年六十君前夫人張氏後夫人吳氏子男三人其長則湜也次治次深女四人其三人已嫁矣董振何贄朱介之其壻也君為人孝友諒直得人一善若已出能振窮急而自養尤儉約自賓州歸所齎無南方一物其平生所為如此今既以其年某月某日葬君德安之永泰鄉谷步里而未有以碣諸墓也敢因介之以告介之於余為外姪而其妻能道君之實將懼泯沒而無聞數泣屬其夫求得余之一言以表之墓上蓋余嘗奉使江南九江上廬山愛其山川而問其州人士大夫之賢而可與者莫能言也今湜能言其父之賢如此問其州人之游仕於此者乃以為良然嗟乎鄭君誠如此豈特一鄉之善士與

元

卓行劉先生墓表

王暉

先生諱德淵字道濟襄國內丘人性癖直有操守好學能自刻厲及游潯南王先生門思索辨惑等說自是廢餼史學為專門之業非禮義不妄言動一介不取於人朋友死雖千里遠徒步必至覩前賢竒蹟偉行擊節嘆賞而不能自已至椎耕牛以饗寶王殺乘馬而祭昭烈其或憫時之難急人之難切於已私而不置也始則人大以為異既而疑焉終廼歎服曰先生篤行直躬守死善道者也北渡後赴戍戍試魁河北西路逮中統建元三府辟其行能授翰林待制晚節知圓鑿方枘不能與時匱匱乃以所成就學者立言傳後著三為書數萬言其說為天地立極為生民立本為聖賢立法敷析

溫公通鑑數百條扶翊章武俾承正統及見考亭綱目書多
所脗合沾沾而喜曰吾天地間可謂不孤矣又通古文奇字
士多傳習之凡經指授者雖節目礫砢表々有所立或惜其
獨善不顯諸用然振衰善俗激厲後人多矣太保劉公左轄
張公以鄉曲義來周卹皆却之曰吾非踴々涼々闒然媚於
世者也至有以禮願交而弗之允者魯齋許公每道邢必式
問致恭而去壬子秋予始見先生於昨對榻學館夜半歛起
撼予曰吾於漢丞相亮論議際有所得惜不並時當有說云
云至元壬午予按部夷儀謁先生於天貺齋樓蓬蓽心齋
一天自樂其樂英發之氣至老不衰先生近何述曰適作四
亮辨天府七星挽章予以張皇幽眇振濯漢靈一何壯也臨
訣握予手曰吾耄矣斯文未喪予其自將既而聞卧疾慮乏
調養詢諸友生始知先生有子繼世也孫一適康氏子新
婦女孫皆不聽侍疾卒年七十有八時至元丙戌九月二十
二日也葬順德之西丘里後十五年晚進王寧合鄉國議來
請曰先生學貫三才養素丘園行媲於古人望高乎一世沒
當易名用垂光範予謂寧曰士風之不振也久矣安得高風
古節如先生者哉昔孟東野以詩鳴唐張籍私謚曰貞耀程
伯淳以道自任潞公揚之曰明道今叔二例如以卓行加之
則名與行為顯允矣門生戶部尚書戎益礪石表墓以圖不
朽翰林學士汲郡王惲為之表

錦峯王先生墓表

楊煥然

先生姓王氏諱仲元字卿清家平陰廣道先生之猶子明道
先生之子世以儒道著一時名公鉅人若亮懷英趙渢皆師

尊之先生舉進士有聲承安五年四舉推恩資高雅清苦寡
言笑無雜賓嘗知阿干縣憲司以簡靜聞退食擁琴書不出
正襟危坐似與世相忘也遇會心者雖對談竟日未聞涉責
游可喜事人信其為古君子也而書名尤重小楷介歐虞間
用薦者召應奉翰林文字同進士入玉堂自先生始改陝西
東路轉運同鹽鐵判官適書藍田山碑飲玉漿偶得疾死于
官舍貞祐四年也死之日家無餘貲槨葬城南鴈塔之陰隣
永平王尚書擴墓經兵寺宇廢盪荆棘埋沒迷所在後三十
八年尚書子元卿至審其在墓西十五步初元卿許並負而
東既而恐親族零落無可歸甲寅五月九日奉天楊奐感念
平素會長安邠邦用揚天德來獻臣同德張琚高唐趙安世
所長敘無南毛居仁耿都陳及雲中孟攀麟太華郭時中

鄴郊范文炳平陸員擇加以志余藏之故先蓋有待也
孝子田君墓表 劉夢吉

嗚呼天地至大萬物至衆而人與一物於其間其為形至微
也自天地未生之初極天地既壞之後前瞻後察浩乎其無
窮人與百年於其間其為時無幾也其形雖微而有可以參
天地者存焉其時雖無幾而有可以與天地相終始者存焉
故君子當平君無事之時於其一身之微百年之頃必慎守
而深惜惟恐其或傷而失之實非有以貪夫生也亦將以全
夫此而已矣及其當大變處大節其所以參天地者以之而
立其所以與天地相終始者以之而行而回視夫百年之頃
一身之微曾何足為輕重於其間哉然其所以參天地而與
之相終始者皆天理人心之所不容已而人之所以生者也

於此而全焉一死之餘其生氣流行於天地萬物之間者稟
千載而自若也使其舍此而為區區歲月筋體之計而禽視
鳥息於天地間而其心固已死矣而其所不容已者或時登
焉則自視其身亦有不若死之為愈者是欲全其生而實未
嘗生欲免一死而繼以百千萬死嗚呼可勝哀也哉先人嘗
手錄金源貞祐以來致死於其所天者十餘人而武臣戰卒
及閭巷草野之人為多而予每覽之未嘗不始焉而慚場若
不自容中焉而感激為之泣下終則毛骨竦然若有所振勵
者故為之訪諸故老揆諸小說攷其姓里增補而詳記之惟
恐其事之不傳也近復得清苑孝子田君為貞祐元年十二
月十有七日係州陷盡驅若民出而君及其父與焉是夕下
公老皆殺卒聞命以殺為媿未及君之父者十餘人而君乃
慄然欲代其父死遂潛往伏其父於下以兩手據地俛而絕
頸以待之卒舉太未暇省閱君項腦中兩刀而死夜及半幸
復蘇後二日令舟下無老幼盡殺時君已以藝被選而行次
安肅矣聞其父死謂人曰我當逃歸葬吾父遂歸求父尸而
得之負以涉河水傷壯至血出發母冢下尸而寢之乃還而
衆不之覺也嗚呼此其所以為孝子者歟其子道章資高蔡
喜讀書而遺山元公陵川郝公皆嘗為詩文以美之雅善予
一日狀其父之孝行訪予於易水之上且曰古者孝友雖廢
人得書於史官而先人之孝行若是生無一命之旌而死遂
無一言之託以傳不朽為先人子者亦何以自立於世今謀
所以表夫墓惟先生實哀之言已泣數行下嗚呼予尚忍不
銘君也哉君諱喜世為保之清苑人其仕至佩金符其壽四

十三其卒則歲乙未閏七月考彥妣喬母兄嘉其所娶實望
族韓有婦德鄉里稱為韓孝婦其壽八十六男女三道昭道
章裴氏女寅孫五溫良恭儉讓曾孫四元亞李德昌銘曰
嗚呼蹈斧鉞而致死猶淵冰之歸全其死者藐焉此身之微
其全者浩乎此心之天有曩雖立匪亡者存有圓雖石匪石
維文百世之下有旌古而勵俗者必名此曰孝子之原過者
其式之孰獨匪人

故宋兵部侍郎徐公墓表

徐琰

國朝自至元初元用兵襄漢以來驛書狎至日告克捷既下
襄陽渡大江所向風靡有城耶封疆之任者若崩厥角恐後
卒之混一區宇際天薄海罔不臣妾是雖廟謨雄斷師武臣
力之故而江南謀國用世之士亦從是可知獨時之聞趙外

發死地州

寂後又聞文天祥以宰相

若可起人意者而於先

車士車馳轂擊北來不結

別深慮遠計危言剴論之士亦嘗有之而枋斥非人以言為

諱抑而不求求而不聽聽而不用是以馴至此極始知人謀

非盡不滅抑亦國運之有所窮而天命之有所屬故不得不

歸於有德也嗚呼是豈一人之力一朝之故哉今觀余君德

所狀故宋尚書兵部侍郎徐公之行則前言信有證不誣公

諱卿孫字麒仲臨江之清江人曾祖源祖大經父森贈宣教

郎妣熊氏贈宜人按狀公在宋朝起身儒科即以治縣最當

時其事蓋不勝書人視以為譜升朝一再遷為御史為諫官

垂三年時其國之事莫急於邊備初見即以勵人才訪軍政
結民心三事為告襄陽之不守元帥之無謀我軍之在行者
猶無不知之而彼相挾私蒙蔽上下略不正其饋軍之罰位
於朝者視為軟熟恬不之悔獨公能抗議彈擊第一義已甚
可觀繼是累十百疏反覆諄切無非論邊之日言大而不可
其細謀遠而不略於近料事精密置論切宜使吾徒為其國
計亦不過爾取是謀帥而拔李芾於久廢薦文天祥於列郡
以襄事而陳李庭芝之決不可用即責時宰陳宜中循行故
事如坐而待亡其後或抗節死義或誤國謀身無一不如其
言此則非知人如權衡識時如著龜則世孰能之殆天與為
謀補授之策者乎不用其言而用其身雖簪筆持橐把節持
麾於我何如至是公去蓋益遠矣國忘未幾而身亦隨之悲
夫今間君坐念自有宇宙以來亡國何限以為其國之有人
則其時其事言之可為太息以為無人則斯人斯言散在史
傳何國無之而卒亦無挾於須臾之運者信在人則在乎用
才者為何人在天則亦顧近績者之何如耳後有君子論一
代興仆之由於千載之上其有取於垂遠若公之文學政事
散見如狀以非大節所在故不詳錄公生以宋丙戌二月十
九日卒以至元庚辰三月十日葬其鄉以至元丁亥十一月
廿四日娶楊氏贈宜人繼黃氏封宜人子男二長震先卒
次必茂女二豐城李杲廬陵文陞其壻孫男二女三曾孫男
三女二異時余參秉江西以脩從祖漢高士之祠于東湖因
已起敬公之名節嘗欲列吾宗人之有德有爵者并侑之屬
去官不果會文陞未京師一日致其婦兄之辭曰必茂先親

歿且葬有年而墓道未表大懼隕越無以顯揚惟公中州典刑以詞翰重一世敢以不朽為請余知公悉且欲著其可鑒者示後來故不復辭而系之辭曰
亡國之臣莫知所亡一或有知國指為狂由異代觀惟狂惟聖我知其人其有死無贖千載而下其言則存刻表墓門示爾子孫

故宋勇勝軍統制官詹侯墓表

吳幼清

宋勇勝軍統制官詹侯開慶己未之夏戰死于蜀勇勝軍屯邛之城外其秋大兵奄至降其軍而侯之妻子在軍中俱北徙于... 祖皇帝以親三德兵柄河北董忠獻公... 戰不降... 必生佳兒汝...

惠補道痛其入死節而未白於世常忽之不樂及擢江南諸道行御史臺監察御史按歷荆楚所至訪其父遺迹有宋士錄國亡之際能城守野戰死者人各為傳而侯與焉得其傳又稽諸故老遺黎退卒之口參伍附益歸以語其友友輯為事狀持示臨川吳澂曰吾父以節死居北之五年吾母亦死僅存不肖孤一縷之脉大德士寅冬具衣冠招吾父之魂與吾母合葬鎮江丹徒崇德之硯山懼弗克揚先烈將遂沉沒則終天無涯之痛愈不可塞願有述以表於墓敢以累子徵禮辭許於是讀傳與狀而哀侯之所以死嗚呼歐陽公論五代之臣全節而死者三王彥章其首彥章北面朱梁蓋路入一旦為君臣歲月甚淺鮮無足道而弗貳兩事百世之公議猶肆之宋三百年仁義之國豈朱梁比而其季也死宗廟社

稷死城郭封疆求如項籍田橫劉湛諸葛瞻顏杲卿張巡許
遠南霽雲輩一何寥寥耶侯以下官微祿出入行陳屹屹不
挫如此世亦曷嘗無人哉嗚呼唏矣侯之死以蜀崇慶告急
宋大將往援侯率偏師以前破營壘十數攻蜀之帥號紐隣
有善戰聲大將畏憚得小捷遽謀左次以遁侯見帥深入不
惑驟領數十騎來往有敵輒迎又喜遠追謂其輕脫可獲也
大將逗遛侯率所部獨進至叙州南平隆化縣界遇游騎
什什伯伯接戰無大勝負日中帥以精騎數千至侯之衆不
滿千人皆敢死士馳突衝擊力戰不少懾遣卒詣大將求救
方引衆趣山顧望竟不赴侯棄所部立射發無不斃帥兵
屢却然以步敵騎衆寡幾十倍帥分番迭鬪日具戰
未罷所殺已過當而侯矢貫侯臂裂帛

裏創復戰連中數十創甚矢盡衆稍散逸聚者猶數十
人傷衆莫能軍侯被執帥壯其勇期生之侯大罵求速死亦
不加害翼日帥親視其創饋之食與藥侯標去弗受絡置馬
上載以行八日不食至播州土門逼令招城中不行遇害年
五十二帥還都輒對黨言惜獎嘆曰好人好人且曰其
箭不可當侯之從子二其一失其名先數歲戍巴州戰死其
一名燦然後數歲要隨州歸師至缺陂戰死堽王杞守樊城
城陷不降亦死一門死者四人侯光州固始人諱鈞少負奇
氣啗齷齪儒弊精神事無用語每云讀書了大意可暇日挾
勁弓驅馬出平原曠野指南北東西射曰大丈夫立功名當
以是萬殿帥器之妻以兄女絲邊郡材枝良家子選補軍職
錄武定軍屯光徙屯黃勇勝軍後初取將於武定而以侯為

副其將後走馬襄陽城上。隨城下死。侯叱曰。大丈夫不為國死敵。而死於是兒女子耳。制置使遂以侯代將。充統制官。實祐間。蜀歲歲被兵。侯往來峽渠。開達等州。扞禦用少。擊衆數。數以多。最深入蠻徼。築建城堡。化服群獠。撫以恩信。任事不避艱險。類如此。捐軀殉國。其素志也。而竟以敢戰死。嗚呼。嗚呼。嗚呼。夫人萬氏早卒。再娶胡氏。生士龍。士龍之子澍。亦嗜書。愿而周於務。嗚呼。自古忠臣義士。身不食其報者。往往報於其子孫。然則侯之後。宜大蓋已。觀其兆。

元氏清河新阡表

元復初

元氏有二。一曰衛大夫。一曰拓跋魏魏之元。著於河南。而吾曾祖諱興。君家于大名之清河。譜系無所徵據。不得上知族里。諱興君娶彭氏。生子曰諱泉。君曰諱聚。君曰諱海。君曰諱泉。君娶張氏。生子曰諱信。君諱聚。君娶楊氏。生子曰諱珍。君曰諱成。君曰諱玉。君諱海。君娶高氏。生子曰諱天。君曰諱進。君曰諱瓊。君曰諱瑛。君曰諱貢。君由將仕佐郎提舉杭州酒使司知事。徙蘆瀝鹽場。同管勾。諱信。君娶楊氏。生子曰弼。曰德。曰恭。諱珍。君娶張氏。何氏。生子曰諱良。曰和。今將仕郎高郵屯田提舉。曰諱林。曰榮。曰營。曰啓。諱成。君娶趙氏。生子曰鬱。曰善。諱玉。君娶郭氏。生子曰通。曰福。曰嘉。諱天。君娶胡氏。生子曰珪。諱進。君娶焦氏。生子曰諱或。允。諱瓊。君娶楊氏。生子曰諱山。曰顯。曰世彥。曰世傑。曰檜。諱瑛。君娶張氏。生子曰義。曰從。政。今湖廣行中書省宣使。諱貢。君娶弼氏。生子曰明。善。以儒起家。由登仕佐郎樞密院照磨。為中書省知管。差除掾。弼娶王氏。生子曰起。良。娶李氏。生子曰賢。和。娶皇父。

氏生曰亨榮娶丁氏生子曰敏曰懋鬱娶楊氏生子曰衡曰
衍善娶侯氏生子曰岵通娶李氏生子曰翰福娶閻氏生子
曰幹或允娶孫氏生子曰秀山娶鄒氏生子曰振世彥娶劉
氏生子曰楊世傑娶鄒氏生子曰播義娶任氏生子曰嶠曰
峻明善娶李氏生子曰蒙口誨諸興君以下葬于縣城郭西
賈莊之東諱天祐君以下別葬新阡去祖塋西南七十五步
仰惟吾祖和厚懿恭懷光弗耀再世而發于吾考吾兄而明
善不肖亦承朝命執事機要蓋懼夫族大日遠昧于鏡考而
涸先澤此阡表之所由刻也夫祖澤流行於冥漠之中緝學
勵行命不逮者自焉趨下漸邪而幸振顯者理無是也雖然
益遠益大垂美無窮豈無其人嗚呼元氏子孫其可不鑒于

蘇府君墓表

鄧善之

蘇氏世居真定之真定縣君之曾大父公彥大父元老父誠
咸韞德弗仕君諱榮祖字顯之益樹善以亢其宗然歲止三
十有七寔至元十二年五月十六日也越四十三年為延祐
丁巳君之子志道官奉直大夫樞密院斷事官經歷秩視五
品得追榮其父母由是制贈榮祖奉直大夫同知中山府事
飛騎尉真定縣男妻吳氏真定縣君咸曰天之報施善人信
遠益有徵哉志道將刻石墓左以昭被寵光于無斁其子天
爵嘗為國子生而余職教于茲也以君之壻劉從道所著君里
行業請予文余其可辭按狀君性穎異童齒已若成人從鄉
人賈先生授業讀書一過輒成誦事大父孝疾病湯液必親
雖躬澣矢弗厭鄉閭蓋以比古黔婁云大父年高寢必温一

蘇府君墓表

夕誤火其席。大父曰：吾孫勿異也。然猶爾。謝罪。父之早者。學每歸至夜分。戒叩戶者勿亟。曰：大父方安寢也。時南北兵阻。售書價視珍貝。君得書必手鈔校讎。無豪忽舛異。廼已。曆法自唐一行師推大衍定歲差法。後世多倣用之。然司曆或失其傳。君因金大明曆積算為書數十篇。多易其舊。其學自經史百氏。陰陽卜筮書。靡不研贖。尤邃伊洛之旨。必以孝弟忠信為本。嘗曰：學貴適用也。故素尚操履。有古愿直風。曾鬻白金於市。過友家墜焉。友故收之以觀其志。而君神氣自如。友徐歸之曰：君之量過人遠矣。歲疫隣有寔人。君為具藥食。至舉家全活。里閭之昏嫗喪葬者。每從君問禮。君援古訓式。縷解銖分。不為世俗陰陽家拘忌之說。訟者亦就君持平。才器日聞。轉運司辟君領真定稅。然非其意也。賦入有常。司征者卒。利其贏。君一無所污。未期以大父病歸。終喪者七年而卒。大父泣曰：天胡奪吾孝孫之亟也。朋友族姻皆感嗟。相弔。明年大父卒。越十年。夫人吳氏卒。夫人寀宣和故家。婉有禮節。相其夫克慎中饋。既發。奉舅姑。若夫之存。君儀容高潔。不事表襮。處昆弟雍睦。衣食不先。撫諸弟妹。族屬咸盡恩意。内外子姓羣從。指數百。獨通財同爨。君卒。諸弟稍欲分析。吳夫人不能止。惟取薄田二頃。書數篋。皆曰：君之教行閨閫。若是夫。嘗欲辨宗法。以合昭穆。建家廟。以嚴祭祀。設門塾。以訓鄉之子弟。志未就而歿。取易家人之上九。榜其齋曰：威如。故學者因號威如先生。男二人。長即志道。次殤。或勸君止一息教。宜稍從寬。君曰：教可以愛弛耶。故志道由憲。司戶部樞密中書掾長幕僚。司書。諾皆以治辦稱。女三人。長壻即從道。

次賈致馮慶孫男五人長天爵力學績文中國子高等調蘄
州判官累遷應奉翰林文字承直郎同知制誥兼國史院編
修官餘早世女三人適宮天禎張蒙何安道葬以卒之五日
墓在府北新市鄉新城原從先塋之兆烏乎人情孰不欲貴
且壽也然古之知道者以德崇為貴令名不朽為壽而世之
高車駟馬以矜華寵鍊氣服食以希高年卒泯滅堙絕者何
可勝道其視賤且夭者相去得失幾何也若君之年與位皆
弗克究厥施而以善終始可不謂賢乎而況教忠有裕命數
衰榮又可慰顯揚之恩於無窮云

安先生墓表

袁伯長

嗚呼金蹂宋踰南兩帝並立廢道德性命之說以辨博長
為詞章發揚稱述率計誕曼業雜理偏而氣豪爾北

無所分別當是時伊洛之學傳南劍至乾道淳熙士知尊
說闡明之朱文公統宗據會繼鉅畢備正學始崇又未幾偽
學造謗咸諱其說以售仕于時金將亡各流離自保烏睹所
謂經說哉有明其說者獨江漢趙氏私相筆錄尊聞傳信稍
自異流俗皇元平江南其書捆載以來保定劉先生因篤志
獨行取文公書會粹而甄別之其文精而深其識專以正蓋
隆平之興使夫道德同而風俗一不在於目接耳受而有嗣
也劉既死得其傳者曰安君馬君諱熙字敬仲其學汪洋靜濠
謂文以載道辭不勝不足以言理故其言修以立於詩章幽
而不傷慕貞潔之實將以自任其道者也道散於異端九流
證拾於墜簡傳者益遠而書幸具在不知而作者則索於句
讀之末旨意斷絕踵謬而莫悟君設對問以辨後作者悔而

焚其書左氏浮誕不合經者悉去之續皇極經世書錄元豐
至、大三年考家禮為祠堂以奉四世邑人化之教人也以
持敬為本解經必毫縷以析果知矣必驗其所行弟子從
者常有餘人出入閭巷佩矩帶規知其為君之弟子其於劉
先生也未嘗一見之蓋篤信其書默求以通焉者也劉亦知
君足以傳道卒不得見焉君深悲之而於學有侶君無憾矣
君之先太原離石人五世祖玠仕於金曾祖昇不仕祖滔以
經童登第金將亡徙貞定因居焉成歲詞賦入等占儒籍
考松江東宣慰司照磨妣劉氏君少敏悟諸父咸器之素多
疾嘗避隱封龍山然卒不得年至大四年五月某日卒年四
十有三娶張氏焦氏子二墜垣女一嫁王氏是歲葬棠城縣
安仁鄉先塋之側其卒也翰林學士王公思廉以書言
曰自敬仲死詎安氏不幸士林不幸矣有遺文十卷既葬之
十三年門人蘇天爵述其事狀踵門曰默菴先生天爵從學
實有年先生之德之行願表於墓原使有考楠作而言曰真
文忠公德秀與朱文公同里生不及事焉文公之學真實紹
之備食于廟于祠無異辭集賢劉公生愈後闡揚合一劉公
功與貞公並安君不得見劉公而道實有傳盛矣茲春陵之
學四方為有準矣至治三年歲次癸亥二月丁亥翰林直學
士奉議大夫知制誥同修國史會稽袁楠表

王伯益墓表

虞伯生

皇慶癸丑二月某甲子王君伯益卒於京師客舍治書侍御
史趙敬父翰林直學士元復初同知彰慶使柳唐佐皆出錢
合所與相知者之賻授其妻之兄冀州知事莫正已使治其

喪五日始克斂而殯諸城南僧寺。其友楊載杜本訪其平生所為詩文傳之。又為作畫像贊及著哀詩哭之。舉其孤迪補國子生。踰月其弟自大名走京師。謀歸其柩。將以其年月日葬之某地。其先塋也。載本又謂集宜為文表其墓。令後人知為吾伯益所藏。云伯益名執謙。大名人。生數歲入鄉校。旬月中已能習盡群兒所授書。問難其師。其師為絕席。引賓坐側。群兒無敢與並。因勸其父某送詣郡學。未數月。又絀其同舍生如鄉校。及長。其父資之游京師。時中書平章永灰木公翰林唐承旨。公有重名。當世以人材為已任。一見伯益皆曰奇材也。不敢以進。用常秩。浼伯益將言於上。擇館閣優重地薦之。久之不得。如二公志尚方符寶典書滿三年。常得四品官。即以伯益為符寶典書三年。竟不得四品官。二公相繼去世。無為伯益言者。柳唐佐為言於張子。有平章。平章。最貴近而雅好文士。禮伯益為上客。留署其府。為微。磨。調真定錄事。凌州判官。改將作院照磨。伯益皆漠然也。後日與彰德田衍師益。河間李京。景山濟南張養浩。希孟。飲酒賦詩為神交。時人望見之。皆以為古仙。其人真一得道待為幸。聞承旨時在翰林。謂人曰。吾聞伯益。宜供奉翰林。苟有意幸得見之。伯益不屑也。後十餘年。始為翰林。應奉文字。承務郎。同知制誥。兼國史院修官。伯益竟止是官。年才四十八。悲哉。伯益身長不遺數丈。不喜騎馬。遇好友。即提杖出門。竟日去。不返。顧語。子以。如來京師。用橐中金。不識記數。及貲盡。益困。至然身亦不以介意。於書無不讀。於人物治道政術甚明白。而未始以辯博自雄。遇人無賢不肖。皆驩然。

無間而胃中不可長年京城居而所以為詩清澹蕭遠
如在山林不與人接者常謂人曰吾知其多瑰偉奇絕者
當委身往游乃稱吾意耳揚我自然誠廣伯益以山水之勝
視陳子昂李太白未知何如蓋伯益之詩旨意不迫於事物
而律法深穩合古作故識者以載為知言伯益嘗學脩金丹
求神僊又嘗深坐默究為禪定雖其至其所至然灼不為外
境移奪無疑矣杜本曰伯益人品極高去世人已遠嘗得大
徹豈不偉歟惜乎年不待之也未卒前一夕猶與客飲酒人
家暮歸坐閱案上書夜且半妻孥頻察其有異召醫未至伯
益忽拊几却卧不復言禁鍾不盡一聲越喚揚載杜本來而
復瞑嗚呼若伯益者豈非古之所謂超邁不群者耶方伯益
三歲生哭之見唐佐語莫知事曰莫夫人何以為之

張進中墓表

王繼學

若為得所歸弱子若為得所長感慨出涕被面毅然以為已
事一坐皆欹歎不能仰視是以莫知事治棺槨後極堅緻理
其家充備此皆有古道非常人可及嗟不觀伯益之得於
人如此則伯益之所存可信已嗚乎是為表

貴齒尊老之義尚矣古之有天下者皆養之以求其言居民
間則為父師生于治世涵濡德澤故保其生也無傷更事知
艱故言之發也有則厥後三老董公見舉大義之時沛中父
老預歌舞成功之日斯老者之著明于世者也聖朝建都燕
山民物日富八九十歲翁敦茂龐碩朝廷優之徭役勿事歲
時得陞殿上上皇帝壽每大朝會百官衣朝服鞠躬以進視
班次唯謹毋敢越尺寸而諸耆老高憤博褐從容暇裕以齒

後先門者不加誰何俟百官退乃陟峻陞承清光歸而娛嬉
井陌或騎或步更過飲食和氣粹如大駕出宮則旄眉黃髮
序勻涼環衛間見者咸曰樂哉太平之民也張進中居京師
有三蒼老之一也進中字子正善為筆也管以堅竹
毫以黝鼠極精銳宜書人爭售之由是四方咸知進中名得
其一者以為珍異而尚方時有所需非進中所為者不用也
進中自持筆以入必賜以酒年益高被璽書蠲其徭役至八
十以終時延祐七年某月某日也葬宛平縣岡村妻某氏子
某余識京師蒼老多矣所敬者唯君及何失失家善織紗縠
最能為詩充然有得如宋陸務觀可傳也日出買絲騎驢歌
吟道中拍意良遠張君雅重厚毅然有容坐室中自珍其筆
有來求之者目其腕非儒生雖多予價終不肯出其善者界
之學士先生如洪上王仲謀上宮承齊彥吳中趙子昂皆與
之善三家皆世稱善書者其知君良有以夫今何君張君相
繼以隕求似老未之見嗚呼生治世以樂其身不必仕之及
也擅一藝以壽其名不必文之多也張君亦何憾焉揭辭墓
前用以告來者

真定張君墓表

宋誠夫

真定之真定縣人曰張君諱德林字茂卿夙喪怙恃兄弟衆
且貧既長遂贅婿于郡董氏董氏多財無子妻君家事君長
治生父之資益饒又哀董宗將絕為外舅買妾覲有以世其
祀果生一子名筍亡幾何外舅妾皆死君夫婦鞠筍保抱乳
哺之壯悉致家貲以去筍力留同居不可乃財田百畝屋一
區為報君課家人耕蠶以自衣食至治元年七月十四日病

卒年六十四至順二年某月某日葬縣之新市鄉安封原子
男一人天佑知寧路儒學正女二人長適朝列大夫監察御
史蘇天爵次適郡士宮思敬孫男二中立中和曰蘇君持君
事狀告予曰昔杭有富民病且死子生甫三歲遺命婿主家
產它時子取三請取七子長而訟求產張公為守曰使遺命
子七則死婿手矣苟無剛明若張公者則子受屈無疑今張
君非迫於孤子之懇非怵於官府禁令非不理於鄉黨親戚
之口慨然舍所以已據遺諸不爭求之時俗亦鮮矣能為我
文以表其墓為齊民勸乎苟得之將歸刻諸石予諾而未遂
蘇君再請三請且歲餘不懈時蘇君室恒山郡君者已亡子
憐其寡故妻之父若是乃最其事之概附以卒葬歲月子
女係息之數而糸以論曰古未有贅婿秦黔首家貧子壯則

出贅始見史傳實歎俗也妻之不以內視贅婿雖贅婿
亦自不以我為妻家骨肉張延賞言猶爾矧餘人乎陽為
翁熱而陰相漠然者爭鬪相責望者皆有之蓋實非骨肉而
然也故有國者至發民贅婿為卒將以用其憤忿不平勤勞
困苦之氣耳至財者則又民之心也百金之產出入掌握可沒
齒溫飽贅婿於妻之父母之子何有於戚屬非骨肉之地當
風俗世下之時而張君出焉真鮮哉方以杭民之訟則大非
其倫彼富時者懼死其子於民生而君則求董之子於未有
詐不萬哉當買妾時君固已無心於其所殖不待推致和
於笥而後知也然予又有感於蘇君者昔予大父亦婿京師
富民張氏張亦無子約曰死後園田屋室金帛皆子物數歲
側室育子大父告去張翁媪驚曰何至是縱有子女不當得

產之半耶。大父曰：某不欲處嫌地，竟去。舊當狀其事，洎其餘行實，欲求當世有文者表著金石，未能也。孫於祖，顧久有闕然者。蘇君乃能以斯先我，豈天賞君盡心外舅而生蘇君，俾豈弟親之，女以君女而取報乎？則鄉所謂幣俗者，鑒定之間，由董張蘇三氏可少前矣。用於世而觀民風者，過君墓道以讀，是尚有徵焉。

文翰類選大成卷百五十六

出贅始見史傳，實勸俗也。妻之，亦不自以我為妻家骨肉。張延實，猶爾矧餘人乎。陽為翁，熱而陰相漠然者，爭鬪相責望者，皆有之。蓋實非骨肉而然也。故有國者，至發民贅，婿為卒，將以用其憤恚不平、勤勞困苦之氣耳。至財者，則又民之心也。百金之產，出入掌握，可沒齒溫飽，贅婿於妻之父母之子，何有於戚屬。非骨肉之地，當風俗世下之時，而張君出焉，真鮮哉。方以杭民之訟，則大非其倫。彼富時者，懼死其子於民生，而君則求董之子於未有詐不萬。我當實妾時，君固已無心於其所殖，不待推致在於笥而後知也。然予又有感於蘇君者。昔予大父亦婿京師富民張氏，張亦無子。約曰：死後園田屋室金帛皆予物。數歲側室育子，大父告去。張翁媪驚曰：何至是。縱有子女，不當得

產之半耶。大父曰：其不欲處地，竟去舊當，狀其事，洎其餘行實，欲求當世有文者表著金石，未能也。孫於祖，顧父有闕然者，蘇君乃能以斯先我，豈天賞君盡心外舅而生蘇君，俾豈躬親，女以君女而取報乎？則鄉所謂幣俗者，鎮定之間，由董張蘇三氏，可少前矣。用於世而觀民風者，過君墓道，以讀是，尚有徵焉。

文翰類選大成卷百五十六

國朝

元故孝友祝公榮甫墓表

宋濂

濂嘗奉 詔總脩元史，凡天下有關史事者，下郡國長吏，博加采輯，悉上送官，往往吏非知書者，以致厯襟淆亂，不足以取徵孝友之人，勅至數千，皆溢浮辭，而乖實行。濂令史官高啓撰次成編，而親為筆削之，唯存一百六人，皆灼然可以勵世，惇俗者而處之，祝公榮亦其一焉。發與處雖連壤，不知公榮之詳。後七年，公榮之子崑持所狀群行求文表，諸墓道蓋公榮之歿已十八年矣。狀之稱述，皆傳中略者，遂次第而序之。公榮諱大昌，公榮字也。君處之麗水官橋里，姓祝氏，祝出軒轅氏之後。至周武王時，封彭祖，遠孫光為祝侯，子孫為齊所并，故以祝為姓。歷代多有顯人，具載家牒，可徵也。五季

初有諱寔字茂之者。自信安未為處州判官。遂遷焉。壽九十
二。以歿。塋宣慈杉坑塘之原。寔生中奉大夫。顯績生朝議大
夫。儒儒生承議。承議生允懷。允懷生况。况生宋紹聖進士。建
州司理。叅軍奕奕生公冕。公冕生份。份生武學諭。天祐。天祐
生潭州司戶叅軍。詢。詢生之琦。之琦生紹。則公榮之父也。公
榮孝友。出於天性。其在父母側。容色穆穆。以和。父母意有所
欲。先候知之。不待出言。而事已集。一日不見。心惶惶焉。若亡
重寶。得一甘味。雖在百里外。必歸薦之。然後敢食。母病晝夜
鍊藥。奉渫糜。以進。衣久不脫。蟻蝨叢生。其間已而疾勢革。之
謁于群神。且泣且禱。語不成聲。見若為之揮涕。及母歿。擗踊
無等。屢至殞絕。其於復寵。襚緘。歿奠。奠柩之禮。悉遵古制。而
不墮流俗之陋。場人不成。火赴。龍突間。烟燄漲天。公榮於急
遽中。力不能救。乃伏棺而悲號。且曰。天乎。吾母在斯。幸天有
以祐之。天苟不祐。我將與母俱。焚誓不獨存也。其火忽自滅。
州里嘆異。曰。昔蔡順伏母棺。而火滅。不意今日於公榮見之。
公榮既塋母。朝夕翹首。如有望而弗至。既而曰。是終無以解
吾憂也。乃命工搏土。肖二親像於堂。朝夕事之。如事生焉。公
榮敬兄公亮。如其父。家政大小。必關白。而後行。公亮出仕。公
榮不敢中席。而坐恒若公亮之臨乎上。其弟公旦亡。公榮奔
視。遂頓仆于地。良久乃蘇。抱弟屍而大呼曰。吾弟去吾而何
之乎。悲悼過甚。髮為之早白。撫弟遺孤。逾於已所生。公榮孳
孳以同。驟為政。請于公亮。建家範數十。則令子姓分任諸事。
視其勤惰。而懲勸之。每旦序食堂上。氣象雍肅。若不聞人聲。
三世之間。愉愉如也。或者欲離間之。說其分財。公榮勃然變

色曰此言何為至於我哉必吾不睦于家不敦友恭之道故爾昔張公藝尚九世義居况親昆弟乎苟計利而害義犬豕當不食吾餘因撫膺長慟言者赧然而退故處之人士言孝友者一則曰公榮二則曰公榮至今無間言云公榮風岸偉特善談史上下二千年治忽幾微如指諸掌聽者忘倦尊賢重傳禾嘗有毫毛褻慢意平心率物好惡無所偏徇而尤好施與故蘆貧窶者周之死而不能棺者給之或丁歲儉下粟估糶之青田盜阻行舟民不能鹽食公榮出所儲鹽惠宗族親媼以及於閭井人皆德之當元之季四方用兵藩閫大臣多鈞致豪傑而布衣之士有談笑取將帥者聞公榮之賢辟書交至公榮笑而辭江淞行中書左丞相方承制行事署為處州路儒學教授亦辭乃築室南野而隱居焉不幸以至正二十一年庚子正月初一日卒壽五十又八二十二年辛丑某月日葬於武川飛鳳山下禮也公榮凡三娶先配同縣王氏次東甌王氏次閩中陳氏皆簪纓大族子男子三人曰山曰崑曰獨皆好學尚義崑即耒速銘者子女子三人常消玉達其婿也一未行嗚呼孝者百行之根抵萬事之綱紀也執一術而百善至百邪去唯斯道則然所以化民成俗者汲汲焉是務而莫敢忽也近代之制文臣自少卿監以上武臣自正刺史以上實錄方為立傳而能行孝友之政者雖在書帙中亦必登名與之齊行其治化微權於是亦可觀矣有若公榮之行之美豈可使其泯泯無傳哉嗚呼古之人有云位登台輔也爵列公侯也祿積萬鍾也馬踰千駟也歿之日曾不得與斯人之徒隸齒此無他以風教所關為甚重也瀛雖不敏

其於公榮之事。表而列之。用以為世道之勸。孰曰非宜。銘曰。孝友之根。實出降衷。金石堪貫。神明可通。古之君子。資其出治。因其秉彝。補民孔易。雖在布衣。彤筆登名。其意斯何。樹之風聲。言言祝君。愛親靡舍。朝斯夕斯。肯離膝下。親既云亡。塗殯在庭。臨風泣血。哀不自勝。煬人弗戒。火起曲突。有烟勃如。上不見日。伏棺悲號。誓與俱焚。誰謂天高。貌若不聞。其勢方升。熾不可遏。不待反風。雲焰隨滅。家政之脩。法古名門。毫髮敢私。唯義之敦。嚴布科條。各授以事。一門雖離。罔有乖戾。辟書交飛。君笑而嘻。我有我政。奚暇外馳。古有篤行。照耀方策。以今較之。孰為優劣。埃風渺瀰。德色耨鋤。况曰善事。不忘厥初。飛鳳之山。林木葱蒨。勒文墓門。用為世勸。

烈婦李夫人墓表

王禕

呼是為烈婦李夫人之墓。夫人夏氏。諱婉常。宋英國文莊公之裔。孫九江人也。年二十為南昌李氏婦。又十四年。當元至正戊戌歲四月十六日。陳友諒陷南昌。夫人死之。頃予承詔脩元史。有司以夫人死事未上。亦既書其大節。列于史冊。徽名峻範。可不朽矣。會其夫宗願官王朝為國子學正。與予善。復請論次其言行之詳。表于墓道。予不敢以不文為辭。李氏江西合族也。在宋世擢名科躋法從者。凡數禁而宗願字克正。自少有才譽。能振其家聲。夫人之父權。忝副使德懋。愛夫人。故以妻宗願。夫人生六歲而母沒。能以禮自防。女工既精。又讀書通大義。既歸李氏。逮事其姑。左右承順。得其驩心。姑嘗有疾。朝夕奉湯藥。衣不解帶者累月。以孝聞。平居治家之法。相其夫。祀祖宗。款賓客。舉無違禮。資性剛慧。而處事遇

物一則柔巽。族媼之間。踰能盡婦道者。必稱夫人焉。及友諒之
衆未攻城。夫人度旦夕城且破。謂其夫曰。禍迫矣。吾夫妻子
母萬一不相保。唯當索我井中耳。俄而城陷。夫人與其夫若
子皆相失。獨攜二女匿後園叢竹中。寇直其所在。欲驅以去。
夫人探懷中金珠。擲之曰。我不行。以此遺爾。不然。即殺我。寇
得金珠。輒去。而繼至者相屬。度終不可免。乃擁二女投井中。
井水淺。不得死。而水旁有甃石。橫出可立。乃挾二女立石上。
有頃。婢從井上呼夫人。問夫與子安在。婢以訛聞對曰。俱亡
矣。夫人大哭。謂二女曰。我意汝父在。故忍死在此。今汝父既
亡。我不死。何待。又哭曰。天乎。李氏何辜。禍胡若是。酷邪。然吾
幸身不污。庶無玷。李氏可與吾夫相見地下矣。且以後事囑
其女。言甚悉。則更自殺水。次女繼之。既而其夫至。救長女得
無恙。而夫人與次女皆死矣。夫人時年三十四。次女甫十歲。
明年己亥十一月五日。初葬新建縣西嶺鎮梅岡先塋之側。
長女曰真蘭。適舒景南。子曰撻。今為國子學生。嗚呼。死之於
人大矣。惟義是蹈。而視死如歸。雖君子獨難之。况女婦乎。若
李夫人之死。就義無難如此。補之曰。烈婦。曷有媿哉。夫褒德
錄美。以示世勸者。史氏之責也。予是用重書其事。以寓夫善
善之意。春秋之法。具文以見意。故亦不復為之辭。

有嚴先生墓表

胡儼

翰林檢討蘇伯厚。以求樂九年十一月二十有二日。卒于
京師官舍。享年六十有四。將卒。命其子鑑曰。吾瞑目後。表于
墓曰。有嚴先生之墓。鑑泣而問故。曰。吾平生無過人。但以嚴
自守。終其身無玷。得正而斃。是曰有嚴。鑑於是奉石春坊。

右庶子兼翰林侍講楊公榮狀未請為之表嗚呼士之所以
異於凡衆人者能脩身慎行也臨深履薄啓手啓足曾子終
身之嚴也世人為士者皆知之知之而能履其事履之而能
保其全則無忝所生矣然或寢衣魏冠凌傲偃蹇傾邪愾懷
悖道傷化虧行辱身以及其親是皆曾子之罪人也若先生
者豈不賢於人乎哉先生諱梓字伯厚姓蘇氏世為閩之建
安人居橫溪本姓雷氏其曾大父文叔出後於蘇子孫遂為
蘇氏先生為人謹厚為儒通為教尊建之士子為名進士為
達官彬然有禮讓之風者多出先生之門也及居翰林預脩
國史繼脩永樂大典任總裁皆能其事其居家也恩義均骨
肉禮教詒子孫其居鄉黨也義於為義豪橫者知所化服貧
又嘗語當道發官廩以賑饑民民賴以生者甚衆至其胸次
悠然不為物撓於外飾無表襮與人交循樂易故人皆愛
之既歿也莫不惜之鎡扶柩歸將以求樂其年月日葬某處
其世次履歷與夫行事之詳學士胡公具誌于幽室余故孺
其立身行己之大端用表諸墓庶幾成先生之志云

沈學士墓表

楊士奇

嗚呼此吾友翰林學士沈公之墓沈世家松江華亭大考諸
德輝嘗為郡史平反冤獄百數十人鄉稱長者姓宋氏考諸
易仕為諮議叅軍無幾棄官養親而授伎里中悖行倫誼集
五倫詩以教學者而甘貧樂義人誦苦節先生妣顧氏有言
德二子長即公諱度字民則次繫字民望公天資溫雅敦實
自幼嗜學博涉經史洪武中郡邑交舉文學弗就坐累謫雲

南跋涉萬里。處患難。其中裕然。時同謫者多名。人率於公文達官重帥。爭欲迎致公館下。岷王具禮幣聘之。既至。屢進直言。若無幾辭去。都督瞿能知賢下士。延於家塾。為弟子師。旦暮躬請益焉。其入京師也。以公偕行時。

太宗皇帝初臨御。命翰林舉賢才。今禮部尚書江陵楊公為編脩。以公名上。擢翰林典籍。方時制勅。填委既視。草學士以下率分書之。

上獨覽公書稱善。一時翰林善書如解大紳之真行草。胡光大之行草。滕用亨之篆。八分。王汝玉梁用行之真。楊文遇之行。皆知名當世。而胡解及公之書獨為

上所愛。凡玉冊金簡用之。宗廟朝廷藏祕府。施四裔刻之。容知度兼篆八分。八分尤高古。渾然漢意。而日侍清密無間。嘗賜二品金織衣。新製象笏。鑲公氏名塗金以賜。以其弟與子皆善書。皆官之。近侍父子兄弟並榮於朝。古今以書遭承寵遇。莫或加公。書蓋公一藝耳。為文章尚興致。平澹雅。則不為浮靡事。

上必盡誠。被顧問必以正對。由典籍陞檢討。復陞脩撰。遂陞侍講學士。奉直大夫。

仁宗皇帝賜誥命。進協正庶尹。贈其考奉直大夫。協正庶尹。翰林侍講學士。其妣宜人。予誥歸。焚黃賜鈔。給驛傳。

宣宗皇帝臨御。進翰林學士。奉政大夫。年踰七十。再上章乞致仕。歸不聽。公事親孝。與弟繁友愛相薦。終身與人交。父益敬為人。真靜不苟。初入翰林。鄉人有為大宗伯者。得君有

敬為人真靜不苟。初入翰林。鄉人有為大宗伯者。得君有

氣勢赫。朝士希進者日奔交其門。公以故舊獨自守。未嘗輕造。間或邀公。輒以禮辭。士論高之間。暇閉戶焚香。鳴琴賦詩。以自樂。人號自樂先生。襟宇澄澹。風韻蕭散。所好惟載法書名畫古器。自題其齋居曰樂琴書處。襟列花卉奇石。高人韻士。至必具觴酌。或吟或奕。意度翛然。所作詩文有滇南豪隨筆錄。西清餘暇。自樂彙藏于家。年七十有八。一日微疾。猶作和王行儉詹事小洞天詞。明日捐館。宣德甲寅十月廿二日也。訃聞。

上遣禮部郎中陳謨賜祭。給驛舟歸喪。命有司營葬。元配碩贈宜人。繼陳子二。芹先十五年卒。藻中書舍人。陞大理右寺副。孫男二。潮秀敏。好學。先十年卒。次源。女三。長歸俞珙。餘在室。曾孫男一。士奇。與公同入翰林。相交三十年。最相得。其沒也。蓋哭之慟。於是祭及藻。求余表墓。余忍以衰朽而忘情。老友哉。敬為之表。

禮部儀制郎中史君墓表

宣德二年春。交趾之復叛也。守帥奏請益兵。朝廷命安遠侯柳升等將七萬人往益之。命兵部尚書李慶參贊軍事。且勅慶凡六卿之屬才且賢者。舉以自助。慶所舉十數人。其最才且賢。禮部儀制郎中史安。祠祭主事陳鏞。師行。慶與同。起九月入交趾。賊於官軍所經之處。悉列柵以守。升既連破之。直抵鎮夷關。升有矜色。升雖勇。然不好謀。安鏞言於慶曰。總戎之意驕矣。公宜力言之。且夷賊譎詐。不可以其屢敗。忽之。安知其不示弱以誘我。况璽書數。戒飭謂賊專以設伏取勝。不宜輕率待之。公宜速入言之。時慶已病。強起與升力

言升唯唯而已。中實無戒慎意。明日前進以數百騎獨先其副及慶等皆在後。升前度橋既度橋遽壞後軍阻不得前賊伏兵四起升被創死。明日慶病不起。又明日副將崔聚整兵以進聚固宿將然倉猝賊驅象赴鬪眾亂聚被執寇大呼官軍降即不殺安鏞皆曰吾輩見危授命耳皆死之。十月十八日也。先是賊陷昌江等城城中如都指揮李任指揮顧福知府劉子輔知州何忠等皆守節死。交趾守帥知任等死事以聞皆得褒贈從升等死者守帥隔遠不明知不及聞時與安鏞同行親見其事。後得脫歸者雖言之詳而有司以無官府上狀不可質故安等之節不得暴白於朝。此世之所共深惜而痛悼者也。一時同死者如吏部主事李宗昉等蓋多。而安鏞鏞之事有聞者在慶左右也。兩人皆進士殺身最相得。安字志靜元宰相鎮陽王天澤之後今家江西

重庶正雖職務重安好學不倦而疏達勤敏六卿爭欲為其屬尤見知於

仁廟。屢垂嘉獎。死時年四十二。鏞字林振。錢唐人。重厚清介。所履端確。未嘗一比匪人。而勤於學問。三十年來。余所識錢唐士人。仕京師。其所言所行。表裏一而於正者。其惟林振然知之者。寡矣。死年三十四。志靜之子。取其父衣冠葬之。請余為表。余數聞其死時事。為表之曰。禮部郎中史君以忠死。葬於此。其曾祖憲中。元河南行省都事。其祖文質。洪武初富州吏目。其父伯允。贈禮部郎中。其母甘氏。封太宜人。配熊氏。封宜人。其子男四人。而附見主事陳君者。史君之同寮友生同志而死。同節者也。

故國子司業吳君墓表

楊榮

君子寓形天地間。德足以師。表于士類。學有以兼。通乎古今。脩諸已者有餘。而見於用者或有未盡。故其既歿。而哀傷追慕。猶不能已。於人者。若于亡友。國子司業吳君是也。君諱溥。字德潤。別號古崖。先世家臨川之種湖。曾大父景南。號南窓。博學工文。草廬吳文正公嘗序其南窓吟藁。大父某。號楚江。隱德弗耀。父思清。贅崇仁章氏。後遂為崇仁人。君生元至正癸卯四月四日。少遊於鄉先生前。渭南令鄧伯恭門。伯恭見而竒之。謂思清曰。是子器宇不凡。異日必能大公之門。弱冠舉孝廉。不就。洪武丙寅。邑大夫知其才賢。乃舉邑庠子弟。貧從前進士李原成治春秋文藻。甚為原成稱賞。家雖貧窶。而志學不厭。初。與盛器。亦不少廢。同輩有忌之。而肆譏侮者。恒丁外艱。哀毀骨立。幾至不起。服闋。假館學舍。教授以自給。衆亦易視之。獨求豐羅博士。師程時分教邑庠。折節與交。乙亥。上京師。以試期不及。遂入為太學生。嘗奉詔宣諭武臣。使雲南。卻其元戎文綺之贈。又以關士伍。使福建。一無毫髮之私。人皆稱其廉介。其所至。遇古跡名勝。輒賦詠紀之。累至數百篇。比還太學。時太常丞張顛宗攝祭酒事。嚴毅方正。於諸生中罕與可獨。以君為賢。而為延譽於公卿大夫間。歲庚辰。試禮部第一。廷對。賜進士出身。擢翰林編脩。永樂初。與脩太祖高皇帝實錄。書成大沐恩賚。陞脩撰。既又纂脩永樂大典。充副總裁。戊子。用茶酒。胡公若思薦陞國子司業。居官以禮自持。以師道自任。以勤率諸生。每五鼓升堂。講授終日。危

卷之五十六 三十四

坐無怠容。諸生皆敬畏而心服焉。

仁宗皇帝在東宮監國南京。眷遇殊厚。洪熙紀元首膺勅命。進階承德郎。贈及考妣。宣德丙午。通政使陳璉奉命掌國子監事。九月三日。設宴公堂。君從容言笑如平時。酒闌忽得風疾。昇歸私第。以是夕卒。享年六十有四。臨終無一語及身後事。但屬治喪不用浮屠所著述。有古崖藁若干卷。配鄭氏封安人。子男四人。與弼與疇。與年與性。女二人。長適應天府學教授孫日讓。次適豐城徐士英。孫男三。孫女七。諸子奉柩歸葬崇仁邑治北二十里之左。稿既葬。十有三日。與性以明經領薦至京。泣而告曰。先君子務學篤行。以古人自期。而官止司業。弗究所施。年未及古希。不肖無似。又不克致位通顯。以光振先德。惟先生於先君子同年登第。又同日擢翰林。知之悉者。莫先生若也。表諸墓道。傳示永久。亦莫若先生宜也。不肖敢以請。嗚呼。君之孝友篤行。出自天性。清脩苦節。至老弗替。其為詩文詞。暢理明。足追古作者。第以不媚當道官太學。幾二十年。而不獲叙遷卒之日。身無以為殮。家無以為喪。子孫無以為衣食。資而縉紳之流。持乎公論者。莫不為之悼歎也。然君之志。雖不獲大伸於當時。而能使天下之人信君之德操者。無間於貴賤。傳誦君之文章者。無間於遐邇。視彼之得志一時。而泯沒於身後者。豈不相去遠矣哉。况君之子若孫。有志問學。期乎顯榮昌大。以慰君於地下者。又有可冀歟。姑立表以俟云。

明故驃騎將軍左軍都督僉事贈特進榮祿大夫左
軍都督府左都督追封宣城伯衛公墓表 錢溥

天將靖亂必生材以擬其後君既用材必列爵以報其先皆古今理勢之必然足為治世勸功之典也昔我太宗舉義之初一時豪傑響應者川委雲集若吾松衛公其一焉然公仕至左軍都督僉事而沒正統元年六月三日也享年六十有一訃聞

上深悼惜輟視朝一日賜以賻儀允歛葬卒哭祥日俱遣官諭祭諸王百官亦各致祭又特營葬地于濟南歷城鵲華鄉之原以其年十二月十四日而安厝焉嗚呼公之哀榮亦至矣而論者尤謂未足以酬其報垂三十年後以厥子穎貴誥贈公特進榮祿大夫左軍都督府左都督追封宣城伯龍光下燭貫徹九壤精靈盼嚮焜蒸而上達者亦足以昭

上之祝而暴公之志乎穎既領封誥謂不及葬

德松之華亭人曾大父諱福大父諱貴皆隱于農父諱炳始自隴畝應元季募長民兵隸水軍萬戶府歸

國朝補隊伍長公生而魁梧個儻有大畧遂代之洪武丁丑以年勞授薊州衛百戶及從靖難首獻策大寧薊州諸郡在吾後宜先擊之以免腹背之患今我軍尚少須募民兵以壯軍威則大事可成也

上嘉納之有白金綵段之賜尋克真定慶東昌被重傷還守薊州遼兵奄至公謂其麾下曰彼衆我寡難以力勝宜出奇破之乃選精騎斫其營遼軍亂因縱擊之遂遁去以奇功賞米鈔綵段且給醫療其傷復出騎濟寧擒裨將一人遂克東阿追敗哨馬于肥河戰小河齊眉山連戰皆捷進克泗州渡淮扈

蹕克金川門陞自副千戶至世襲指揮使。

太宗既登極詔定功賞復陞中都留守司都指揮僉事留衛
命自河南陽武督運神木于北京庚寅扈從拜征北輕車將
軍師旋移鎮山東授保身勅開會通河檄公領沿海官軍備
倭既而召赴行在掌神機營事尋奉

勅備倭海上捕亡獲傅良等送京師宥其脅從者餘八千人
庚子二月蒲臺妖婦唐賽兒自號佛母為亂其賊首賓鴻等
攻安立甚急時公自海上聞之率千騎晝夜兼行至城下奮
擊敗之殺賊二千餘人生擒四千餘人皆斬之而收其孥時
城中不支使公至稍遲必陷於賊既而安遠侯柳升至公迎
謁升怒其不待已捧出之公不為屈且枷諸首惡至京師其
賊遂平。

上聞之降勅切責升而遣中官賈勅勞公曰比者妖寇作耗
爾能奮忠賈勇身先士卒頃刻之間殲滅無遺雖古名將復
何加焉今特陞爾為都指揮使其事且載文廟實錄宣德
甲寅勅備倭關防相機行事所領官軍悉聽節制凡二十六
道之外

皇上即位以公舊勞特陞左軍都督府都督僉事賜白金綵
段公受

恩感激凡有利病輒以奏聞至是以旱蝗災齊禱于外致疽
發于髀人勸宜還家公不聽轉劇公疏受國委任無所禪補
不能生累關庭以畢至願疏聞

上遣醫療未至二日而公不起矣遠近軍民互相吊泣者屬路
不絕至有畫形設祠以奉之者蓋久有功於斯土故德於其

民之心有若是公元配夫人沈氏繼配夫人周氏李氏咸有
賢德子男十一人長願濟南衛指揮使卒次即宣城伯頴克
摠兵鎮守甘肅次顛次顛次顛次顛次顛次顛次顛次顛次
順女九人都指揮董善百戶楊宗都指揮國景指揮鄭福許
端張愷鎮撫國俊千戶王椎其壻也餘在室孫男十九人公
天性凝重奕朗讀書知大義勇而善謀人見之凜然居常寬
衣大帶自擬儒素奉太夫人李氏孝養備至年八十一卒公
哀毀骨立命其妻周夫人率諸子奉板歸松江合葬先公之
兆性好施予且不喜酒然宴會必豐潔而自奉不重味禁止
軍士秋毫無犯于民出巡則自賣糧食遇有訴者立馬發摘
如神無復有敢犯者宜其德民之深垂蔭之大而收功之遠
元帥王西平子懇以廢補憲宗朝討吳元濟有功柳宗元
嘗作頌以美之曰惟西平有子惟我有臣今公有子伸威西
夏克光先烈他日豈無秉筆如宗元者出為公頌有子為
朝廷頌得臣乎故特表之以俟

故奉政大夫太醫院使蔣公墓表

古者世祿不世官官必任其賢也而以世非公選矣春秋譏
世卿是也祿以賞其功也而不以世虧私恩矣王制詳世祿
是也苟官人以世而克濟其美若太醫院使蔣公父子繼世
以事

上也非以賢乎公諱主善號克一齋前太醫院判贈院使謚
恭靖之長子也初恭靖以累世儒醫之學祇事

列聖餘二十年醫聲大振公日侍左右嘗聆其誨曰醫本乎

儒若素難諸書。非儒不能喻其義。漢張長沙論傷寒傳經在
足不在手。豈淺。為儒者所能知。至今有潔古東垣。河間宛
丘諸君子。各為方論。發前人所未發。其後學者又各擅專門。
補守攻擊。抵牾莫從。治。宋氏始合諸家。異同而參用之。
醫道為之甚明。公乃而受斯訓。而學益窮。夫自得之理。遂有
名于時。

仁宗皇帝在東宮。聞之。數召問稱
旨。凡勲戚大臣疾。命治輒效。

上嘗謂恭靖曰。卿有子矣。它日必能繼卿之任。恭靖歿。

上遣中貴護喪。葬于應天江寧縣鳳西鄉之原。其冬復遣中
貴以安輿。起公。賜織金襲衣。即日授御醫。尋陞院判。

享年七十有七。而卒。天順六年九月二十四日也。以明年某

月某日。樹葬恭靖墓左。有銘矣。其子謙等。復以賀御醫榮之
狀。請予表于其墓。嗚呼。公其賢於繼世者哉。公之先在唐。有
居魏州者。族甚蕃。大至六世祖安中。金國子助教。以直諫不
納。遂棄去。學醫。謂不得行所志。以及民。亦必行吾術。以濟民
由。是以醫名家。至其祖。應茂。自魏徙揚之儀真。生慶雷。揚州
路醫學教授。慶雷生官元。進士。行樞密管勾。崇明州判官。入
國朝。用薦為史官。不起。遂出為蘭陽丞。官生恭靖。而歿。家益
貧。恭靖乃渡江。至。潭鎮。依族叔佑以居。因為句容人。
生四子。公既顯。弟。主忠。主孝。皆以能詩聞于江左。孝
友之譽。罕比。初娶高氏。宗人府經歷。節庵先生之女。夫而無
子。

仁宗皇帝憫之出宮媛三人為繼室生三子讓謙謹四女儒士周閏衛指揮周英劉玉半良其婿也孫男一綬女三公為人端重簡諒遇事恂恂務適於理其操履純確老而弥篤辨醫者亡慮千人皆處之有道門有求療者踵至而應之亦惟義不以利僚佐有不協或構擠之公泊然不與之較近藥箴災公逮繫踰半載衆既不自安公一委於義命上卒察而原之故公與恭靖相繼垂五六十年間人咸目之為有德無一退有睚眦者書曰世選尔勞予不掩尔善上所以用公可謂得其賢矣詩曰繼之繩之勿替引之公子孫尚思迓承而嗣續哉予故舉公所以賢於繼世者表而著之以有望于嗣人

舒城秦氏祖塋表 張元貞

曰友康冲友康俗訛呼柳木文訛為有祿其遷寔自元提舉漢卿子曰天祐者始提舉十一子得名者八天扶天爵天論天祥天彝天傑天叙則其長者任元廬州大使天祐於行次六仕元由本縣丞陞六安州知州遷自元季到今江西左方伯曰民悅已六世矣知州二子曰鵬曰壁壁入我朝任浙之奉化縣丞配元行樞密院事許榮之女生子曰鳳第洪武庚辰進士任湖廣興山知縣東留禮科署應天府陞行在刑部郎中以言事出為衛輝府同知子三人縉紳綬綬即方伯之父方伯為工部員外即時舉職封以其官配陳氏封宜人方伯由黎淳榜進士拜大行人應陞郡守太叅以至今官友康地環數里田疇山澤率秦氏之有而自提舉下數世之歲咸

舒城秦氏祖塋表 張元貞

在焉蓋南舒山水之佳者皆稱友鹿知州始遷是而亦始葬
其父提舉于是提舉塋內附以天祥天傑址則衛輝之墓又
北則知州之自營南向曰機博士曰奉化所藏也又河口之
冲曰鳳凰亦知州營以葬其母者今方伯母宜人又安厝於
故宅址最形勝處它如墩西如庄主甯如塘曰土曰八字曰
擔水曰老毛如冲曰上頭曰何家曰臧家如山曰青龍曰老
曰曰回前曰綿地曰麻地曰石牛曰屋後曰阮家曰朱民四
前曰龍河口頂坂曰洪家灣曰劉移住溝曰縣址八欄其間
多友鹿支隴之分盤而秦氏諸祖妣之各以托體者也方伯
惟此地造物者以為秦氏設不然自有宇宙何闕於數千百
禩而特顯于秦氏迹其自寔維知州公所以貽後者弘且遠
後之人所以設行所以斗第衣冠之龜龜不之教本原之
考於是具石將極之提舉之堂而屬表於予予竊以吉地神
司善人天相堪輿家言之近理者嘗閱方伯家乘知知州公
當元季秦亂締婚於樞密保障廬野數里地俾數千萬倉
生不為魚肉勳烈大矣而提舉公亦果毅負才氣玩物一不
入其好天祥豁達有量鄉稱孝友天傑閑雅恬淡不倦於行
善鵬慷慨恒周人于急奉化御史嚴其而愛民如子卒官吏
民哭之如失慈母然衛輝尤忠鯁卓卓為 國家建大策十數
居官家無宿貲此其善積之稔德植之深豈淺淺者其後而
致茲善地之藏謂偶然歟後之人感仰承藉而思所以報稱
以不負造物者之私與夫知州公之貽以益昌秦氏之祚亦
惟前人是念心乃心踐乃行廓乃未克極乃未至俾仁義道
德之澤弥渚而洪詩書禮樂之光弥引而熾如是云爾承方

韓維圭 一篇 畢公升 一篇 李邦直 一篇 蘇子瞻 一篇
郭正表 一篇 游九言 一篇

元

李元禮 一篇 袁伯長 一篇 許有壬 一篇

國朝

王禕 一篇 楊士奇 二篇 胡儼 二篇 陳敬宗 一篇

鄒緝 二篇 鑄師邵 一篇

文翰類選大成卷第百五十七 哀挽目錄

文翰類選大成卷第百五十七

左長史上海李伯璵編輯

紀善慈谿馮厚校正

哀挽類

晉

哀永逝文

潘安仁

啓夕兮宵興悲絕緒兮莫承俄龍輻兮門側嗟侯時兮將升
嫂姪四結兮悼惶茲姑兮垂衿聞鳴雞兮戒朝咸驚號兮撫
膺逝日長兮生年淺憂患衆兮觀樂甚彼遙思兮離居歎河
廣兮宋遠今奈何兮一舉邈終天兮不反盡余哀兮祖之晨
揚明燎兮授靈輅撤房帷兮席庭筵舉酌觴兮告永潛悽切
兮增歎俯仰兮揮淚想孤魂兮眷舊宇視倏忽兮若髮鬢徒

髮髻兮在慮。靡耳目兮一遇。停駕兮淹留。徘徊兮故處。周求
兮何獲。引身兮當去。去華輦兮初邁。馬回首兮旋旆。風冷
兮入帷。雲霏兮承蓋。鳥倦翼兮忘林。魚仰沫兮失瀨。悵
兮遲兮。遵吉路兮凶歸。思其人兮已滅。覽餘跡兮未夷。昔同
塗兮今異世。憶舊歡兮增新悲。謂原隰兮無畔。謂川流兮無
岸。望山兮寥廓。臨水兮浩汗。視天日兮蒼茫。回邑里兮蕭散。
匪外物兮或改。固歡哀兮情換。嗟潛隧兮既啟。將送形兮長
往。委蘭房兮繁華。襲窮泉兮朽壤。中慕叫兮擗標。之子降兮
宅兆。撫靈櫬兮訣幽房。棺冥兮方挺窈兮。戶闔兮燈滅。夜何
時兮復曉。歸反哭兮殯宮。聲有止兮哀無終。是乎非乎何違
趣一遇兮目中。既遇日兮無兆。曾寤寐兮弗夢。既顧瞻兮家
道。何庶無愧兮莊子。

宋

宋文皇帝元皇后哀冊文

顏延年

倫昭儼升。有物有憑。圓精初燦。方祗始凝。昭哉世族。祥發慶
膺。秘儀景霄。圖光玉繩。昌輝在陰。柔明將進。率禮蹈和。稱詩
納順。爰自待年。金聲夙振。亦既有行。素章增絢。象眼是加。言
觀維則。俾我王風。始基嬪德。惠問川流。芳猷淵塞。芳江泳漢。
載謠南國。伊昔不造。鴻化中微。用集寶命。仰陟天機。釋位公
宮。登曜紫闈。欽若皇姑。允迪前徽。孝達寧親。敬行宗祀。進思
才淑。傍綜圖史。發音在詠。動容成紀。壺政穆宣。房樂詔理。坤
則順成。星軒潤飾。德之所屆。惟深必測。下節震騰。上清眺側。
有來。雍無思不極。謂道輔仁。司化莫晰。象物方臻。臆履告

沴太和既融。收華委世。蘭殿長陰。椒塗弛衛。嗚呼哀哉。戒涼
在埵。杪秋即窳。霜夜流唱。曉月升魄。八神驚引。五輅遷跡。噉
噉儲嗣。哀々列辟。灑零玉墀。雨泗丹掖。撫存悼亡。感今懷昔。
嗚呼哀哉。南背國門。北首山園。僕人按節。服馬顧轅。遙酸紫
蓋。眇泣素軒。滅練清都。夷體壽原。邑野淪謁。戎夏悲譙。來芳
可述。往駕弗援。嗚呼哀哉。

齊

齊敬皇后哀冊文

謝玄暉

帝唐遠胄。御龍遙緒。在秦作劉。在漢開楚。肇惟淑聖。允亦克
令。清漢表靈。曾沙膺慶。爰定厥祥。徽音允穆。光華沼沚。榮曜
中谷。敬始紘緹。教先種稷。睿問川流。神襟蘭郁。先德韶光。君
道方峻。伊智十亂。斯俟四教。內心思姑。則我嬪則。化自公
宮。遠被南國。軒耀懷光。素寄佇德。閔予不祐。慈訓早遺。方年
冲藐。懷神靡依。家臻寶業。身嗣昌暉。壽宮寂遠。清廟虛歸。嗚
呼哀哉。帝遷明命。民神宵悅。乾景外臨。陰儀內缺。空悲故劍。
徒嗟金穴。璋璫奕奕。獻禱禱禱。嗚呼哀哉。馮相告稷。宸駕長
往。貽厥遠圖。末命是摯。懷豐沛之繆。綢芳背神京之弘。敬陋
蒼梧之不從。芳導鮒隅以同壤。嗚呼哀哉。陳象設於園寢。芳
映鑿鏤於松楸。望承明而不入。芳度清洛而南游。繼池綉於
通軌。芳接龍帷於造舟。迴塘寂其已暮。芳東川澹而不流。嗚
呼哀哉。藉闕宮之遠烈。芳聞纘女之遐慶。始協德於蘋蘩。芳
終配祀而表命。慕方纏於賜衣。芳哀日隆於撫鏡。思寒泉之
罔極。芳託彤管於遺詠。嗚呼哀哉。

唐

唐高祖皇帝哀冊文

虞伯施

玄覽載藉。逖聽皇王。立德可久。應運斯昌。天基崇峻。帝系悠
 長。虹暉降祉。真氣呈祥。總衡朱黻。熊軾龍常。契叶禎符。誕生
 睿聖。彤雲書聚。黃星夕映。舒卷潛躍。幾深道性。地載天臨。日
 暉川鏡。歷試藩岳。風移俗正。火德云謝。群龍戰野。蚩尤曜旗。
 王良策馬。拔山曠日。滔天派夏。蕩拒黎元。阡危宗社。提劍創
 業。杖鉞專征。風驅雲動。海運天行。伐謀上略。制勝神兵。尊王
 踐土。復帝夷庚。職惟上相。任隆群辟。六階已平。四門咸闢。殊
 物顯命。舜章典冊。錫重介珪。禮優乘石。煙霞改色。鏞管變音。
 觀國受命。負戾君臨。仁霑動植。化感飛沉。殷輅周冕。禹迹堯
 心。別以文美。凶孽咸金。商谷未改。貴氣阻亂。沙塞復閭。伊
 叛換應。變雷動乘。機雷斷十。角雲消三。川冰泮。漸以文教。致
 諸王道。制禮和樂。尊儒養老。翠鳳棲梧。丹魚在藻。水浮玄貝。
 階榮朱草。威加海外。澤被區中。要荒合軌。鞮羯遐通。沒羽沉
 浪。飛輪駕風。眷言釋負。有懷高謝。脩爾櫟陽。杏同姑射。趨詩
 禮以承天。稟義方以成化。聿膺景福。方期永年。王几奄及。金
 滕迹。愆絕五日之晨。省遽于齡。而上僊。攀帷房以孺慕。抱劍
 馬以纏綿。嗚呼哀哉。虔奉顧託。式遵遺志。指珠玉而不藏。即
 陶甄以成器。貽儉德以為譽。垂風聲於後嗣。嗚呼哀哉。永去
 天色。言導地脉。背沃野之神臯。越通川之清渭。懷岐下之前
 迹。春新豐之舊里。笳哀噎以留思。旒翩々而顧指。悲風急而
 拱木吟。平野晦而寒煙起。嗚呼哀哉。惟綴衣之如昨。忽馳光
 之莫駐。亟時逝而節改。俄涉新而履故。野蒼々以日衰。歲凜

凜而行暮感物悲於氣序銜哀踐於霜露泣川水之逝波動
商山之風樹踏厚地而無感仰高天而何訴嗚呼哀哉曰聖
與人誰前誰後炎昊無金石之固勛華異松喬之壽孰歷世
而長存唯令名之不朽矧玄功與至德冠列辟而為首俾
五而登三與天長而地久嗚呼哀哉

唐太宗皇帝哀冊文

褚登善

三微固社五曜垂文光昭司牧對越唐勛族著玄牝家傳緝
雲高配下天一人有慶大行神武惟幾作聖良書自得高文
成性夙表餘雄先懷反正倉兕爰發朱旗首令寰瀛昏墊
關洛荒蕪妖傾地軸盜弄乾樞戎衣光啓霸政宏暮天兵電
掃月陣風驅蚩尤遞翦獫狁咸誅閔位不度餘分興庚先收

風順軌凝圖奉睿青辰同規玄珠協契發輝三五聲明遐裔
沃野休兵靈臺偃革外嚴藏銳遵河秦壁學肆徐輪丘園散
帛就日攸宜如天在斯刑哀動植化美墳篋樂華曾舉禮葉
旁垂沙場罄翦斗極咸霽狼山入圍潮渚歸池東旌若木西
旆條支龍鄉委責鳥服來儀大矣乘時悠哉利見文龜浮沼
應龍在沓清露飛甘烟雲呈納松美望幸瑤華方薦仙舟劍
術星飛告變凝沴氣於升年掩璿暉於離殿嗚呼哀哉商管
初秋飛絃罷侑驚川悠緬宮車晏出大墜弗營元龜獻吉展
軫效駕端圭司日迫靈輻於將餞痛皇情其如失凝秋林於
廣路颯悲風於表衍輕拍梁而徐轉蕩蘭池而從蹕聳輕旆
之凌迤動壘笳之蕭瑟嗚呼哀哉周營甫寤漢啓泉闈穀林
搖落喬巖變衰平原瘦芳白日遠深渚澹兮秋雲飛曉銅雀

而興慕傷鼎湖之不歸嗚呼哀哉峻陵玄壤嶮山窮路虛衛
翻英輕馳委素堯門閉而日慘義庭易而雲呀嗟厚德之長
通仰高天而攀慕嗚呼哀哉崇基永煥置業方昭遺風餘烈
天長地遠想神襟而騰茂縱史筆而揚翹籠真聲於日月終
有裕於唐堯嗚呼哀哉

睿宗皇帝哀冊文

蘇廷碩

高祖興唐垂其耿光睿宗誕慶紹我明明命伊何重熙累
盜耿光伊何翊善傳聖在昔分瑞爰初剖符宅殷令典居相
宏圖宣哲觀藝祗庸服儒踐其成式納以嘉慕喜歷終泰傾
維更紐予從代王子事周母退象藏密冲襟釋負不為震驚
自得謙受權乃復身塞而自開固推皇帝仍陟元台嗚牝構
舞紛紅肆從颺馳神武電掃蒞回三六讓天下載登宸極順夫

吐心忘我帝力鞞譯修真親賢任職樂英已敷禮禮縉重經
廟率祀郊丘肇禋養而迎夏友以祈春靜默泐道和平返淳
智周翔泳功濟陶鈞知子惟明從吾所尚陋伊祈之莫緒追
齧歎而將喪帝允執乎厥中皇遂崇於大上始授圖而觀察
終脫徙以清曠齊必開館朝而別官問安順色資孝弘風理
極兼受言承至八公豈綴衣而憑凡忽成鼎而號弓嗚呼哀哉
年罕驗顧是付囑屬神器其得所委靈心其何欲增摧絕以
孺慕竟感時而去俗萬邦赴而同軌六遂陳而帥屬外群悲
於縞素中不瘞於珠玉屋輅迎轉龍旒戒徂寒生紫殿曉發
清節笏挽遶之而徒靡旆旌戀之而威紆除櫟陽之御路指
橋嶽之幽途禮既獻而三撤神方宰而九虞遠遊通冠近嚴
歸蹕因高而渭川盡見馮下而秦京稍出積私草以橫霜相積

悲松以翳日。嗚呼哀哉。與義軒之建子姒。乃令問傳其不已。猶簡冊之尊聖真。乃鴻名舒而方始。然後景雲謗華露。滋揚至德。殷永思。比天子之孝也。天何足以知之。嗚呼哀哉。

惠莊太子哀冊文

張子壽

昊天有命。先后受之。分王子弟。藩衛京師。克荷成憲。罔不肅。祗懿哉。明哲誕惟神粹。宣慈日聞。孝友天至。道則昭合。跡無自異。性實生知。學兼時習。易徵書遠。詩言禮立。德必有鄰。善如不及。貴而能損。量固難挹。方伯出鎮。都南取斯。司徒入掌。鄭武其宜。義之所在。政乃克施。物留遺愛。事著成規。西夏息人。東征叶卜。辭之同軒。皇之改服。疾遘中路。凶傳左轂。寧不怒。遺查鍾斯。嗚呼哀哉。昔在中妙。具惟兄弟。第四國並封。五

既在。藉而云邁。屬殷且望。之將啓。實中禍於蕭牆。遂繼明於雲陛。雖隔深宮之衛。常治家人之禮。曷殂謝以痛心。感平生而流涕。嗚呼哀哉。爰擇茂典。將崇上嗣。表先聖之元良。申友于之褒異。紛鹵簿以徒設。儼文物而空備。彼神儀之如在。乃群悲之所萃。周禮從祔。漢室是陪。先遠日而撰吉。會同盟以送哀。夜痛盡兮。暗室啓。庭燎殘兮。曉挽催。按三校而徐進。將一去而不迴。嗚呼哀哉。背朱門兮。遲之馳白驥兮。駭之野蒼茫而助慘。風蕭颯而增悲。麟之兮。素蓋寂之兮。畫帷導舊途而何有。覽陳跡以如疑。面都邑兮。不入侍陵。寢方有期。惟先儀之永闕。與昭代而長辭。嗚呼哀哉。潛清暉於幽安。昭鴻名於美跡。將在皇儲之中。豈伊諸侯之策。播遺芬於蘭桂。傳不朽於金石。諒紀言之在茲。嘉德音之無斁。嗚呼哀哉。

玄宗皇帝哀冊文

王縉

天厭隋亂中原無主人歸唐德上帝是輔以聖易暴具文繼
 武義冠殷湯威包漢祖仰膺曆數光宅區宇惟皇得一承乾
 嗣五赫哉厥初萬物斯覩景龍之際乾儀友坤不利王室將
 開禍門呂危劉氏趙啄皇孫我獨杖劍神期武貴上排閭闔
 俯掃軒轅不驚宗廟大造黎元為而不有禮備尊人乃奉睿
 宗爰受寶命問安侍膳純孝至敬維城之年佐潞之政一著
 獻兆百靈翼聖躍焉截流水不敢競潛龍變海池亦呈慶有
 開必先興王之盛詔曰皇帝余倦于勤往績丕業以順兆人
 辭之不可其命惟新體乾之大法土之均臨之以日生之以
 春寒暑彰信動植知仁九族既睦四門既賓天通之聖電斷
 於德馴我狄龍鳳塞不驚塵琛費爭入來自無垠駕鼓斤鼓
 裘葉珍風雨時若京城相因師於上古思與還淳然後制禮節
 焉作樂和焉北祠后土南郊上玄齋祭陵廟位號山川教敷講
 武祈農藉田晃旒問俗旌旗幸暹文物蔽地英聲動天鳳巢麟
 擾甘露醴泉九尾三眷朱草霏炬續紛效祉每歲且于道德
 洋溢乾坤交泰成功如何登封于岱太平如何是時無外才
 藝餘美帝王之最學究天人乙夜懃對文齊日月秋風靡豫
 推曆正元調律平害札動雲落弦開葉碎揮琴弄虞教詞輕
 沛良辰可賞聽政方退鍾鼓屢陳君臣高會魏人湯人四十
 餘載巡省順動西南奧區命子出震繼明握圖長驅猛士累
 翦封狐不失舊物言旋上都離宮就養壽酒多娛習道久矣
 神仙遠乎嗚呼哀哉湖上鑄鼎海中祈藥忽乘紫氣長逝碧

落千門萬戶若無天兮寥廓八達九衢雖有人兮寂寞淚為
雨於震極哭成雷於郊郭遺輶跡而徒攀莽衣冠而可託同
軌畢至初陵已開震鳳輦於仙仗降龍輅於帝臺儼將行兮
肅穆似有覩兮徘徊遇春城兮如送望暮山兮謂來嗚呼哀
哉壽原肇吉先天不遠接橋山之大隊營金阜之玄扉擁馳
道兮皆往獨官車兮不歸厚夜兮藏晝終天兮戢輝文昭遠
極武餘英威玄德不朽至道惟微雖陰陽之與變化侔聖德
兮安可希超前古以作別道終代以垂衣嗚呼哀哉

憲宗皇帝哀冊文

令狐慤士

配天惟唐伊郊同光應道為帝玄元之系聖人有作孝子善
繼顯赫十朝總齊四裔初其大象司彼左契武烈誕敷文明
龍屋名臣進寶奎虎頭移鎮赴榕溪握刀將帥迎牙毒鱗解辨
戎蠻貢象犀翠浪玉虹餘昨夢碧參羅帶入新題鳳池鷄樹
公棲處早箇雲飛不要梯

梅花下小飲

今年春在臘前回恠底空山見早梅數點有情吹面過一花
無賴背人開為攜竹葉澆瓊樹旋折冰葩浸玉杯近節雨晴
誰料得明朝無興也重來

懷古堂前小梅漸開四首

梅邊春意未全回澹月微風暗裏催近水數株殊小在一梢
雙朶忽齊開生愁落去輕之折不拍清寒得之來腸斷故園
千樹雪大江西處亂雲堆

隨意行穿翠篠林暗香撩我獨關心遙看小朵不勝好走近
寒梢無處尋未吐誰知膚底雪半開猶護蕊頭金老來懶去
渾無緒奈此南枝索苦吟

絕艷元非着粉團真香亦不在鬢端何曾天上冰玉質却怕
人間霜雪寒枝似去年仍轉瘦花於來歲定誰看老夫官滿
梅應熟齒軟猶禁半點酸

揀得疎花折得回銀瓶冰水養教開忽然燈下數枝影喚作
窓前一樹梅歲律又殘還見此我頭白白不須催相看姑置
人間事嚼玉餐香噉一盃

克信弟坐上賦梅花二首

對酒初驚髮半華折梅還憶見與殊佳如何屋角西南月只照

親臨寶位怡聲下邑先意承志家令敢言天子屏貴明明出
震業之承乾其仁如山其智如泉理析堅白學探幽玄揮毫
霧動拔藻霞解所持者儉所寶者賢刑弊不省賞無不延冕
旒迎日珪璧祈年涕謁宗廟臣朝昊天天縱神聖日躋孝敬
鴻名再加寶曆一定窮人屢賑名士交摯獸愛觸邪草憐指
佞梯航修貢鱗羽遂性河色呈符山聲告慶編書辨謗創殿
思政甘節必稱苦言終聽校威之遠德政之盛霜雪憲章雪
風號令夏臺齒劔上黨納罕趙除宅心藪中聽命誰能去兵
三者有征玉壘霧廓金陵鏡清孤鳴上蔡蟻聚東平伏鑿就
參廻戈受烹始以上殺歸於好生恢人不識蕩難名信及
隱微道存傳博走馬斯却昆蟲咸若調其玉燭徇以木鐸混

同車書遠頌正朔範金合土大興太學清蹕鳴鑾將登高嶽
四維既張五刃已藏蠻夷戎老敢不來王天下清淨朝廷樂
康會冠劍以高宴戲魚龍於廣場有嚴有翼無怠無荒俗皆
臻於壽域人自為於犧皇日出入兮安窮極雲飛揚兮無處
所端方瞻乎鳳來必忽聞於鶴語謂百年之可卜嗟九齡之
不與當凝旒而下臨奄脫屣以輕舉萬姓哀其考喪千官懷
其扈撫封人猶祝於南山帝子已號於北渚嗚呼哀哉披雲
衣兮如在委仙珮兮若休建環海以靜寐謝鼎湖而遠遊在
華朗兮高殿寂梧葉暗兮深宮愁驚同軌之遽至咽長川而
不流嗚呼哀哉威儀肅設文物前列酌玉尊以宵奠駕金根
而繞出朱雀之正門昔昔鸞之向關遠逝原不日日月
作豐山江海自流於泉下城郭取象於人間高封馬鬣水秘
龍顏鱗有逆兮曾觸影辨欲升兮尚攀朝百靈以肅遺八駿以
閑閑陵植栢兮未拱閣生苔兮已班嚴日宮而深閉謁雲幄
以空還與眾感於萬井結宸悲於九關嗚呼哀哉神行無方
乾健不息物皆被於聖澤人自迷於帝力巍乎高代之行至
矣動天之德後玄壤以長存冠蒼穹而罔極嗚呼哀哉

歐陽生哀辭

韓退之

歐陽詹世居閩越自詹已上皆為閩越官至州佐縣令者累
累有焉閩越地肥衍有山泉禽魚之樂雖有長材秀民通文
書吏事與上國齒者未嘗肯出仕今上初故宰相常哀為福
建諸州觀察使治其地哀以文辭進有名於時又作大官臨
莅其民鄉縣小民有能誦書作文辭者哀親與之為客主之禮

觀游宴饗食必召與之時未幾皆化翕然詹于時獨秀出衆加
敬愛諸生皆推服閩越之人舉進士繇詹始建中貞元間余
就食江南未接人事往々聞詹名問巷間詹之稱於江南也
久貞元三年余始至京師舉進士聞詹名尤甚八年春遂與
詹文辭同考試登第始相識自後詹歸閩中余或在京師他
處不見詹久者惟詹歸閩中時為然其他時與詹離率不歷
歲移時則必合必兩忘其所趨久然後去故余與詹相知
為深詹事父母盡孝道仁於妻子於朋友義以誠氣醇以方
容貌凝然其燕私善語以和其文章切深喜往復善自道
讀其書知其於慈孝最隆也十五年冬余以徐州從事朝正
於京師詹為國子監四門助教將率其徒伏闕下舉余為博
士詹嘗有賦不果上觀其心詹嘗曰詹今其死矣詹閩越人也父母老矣拾朝夕之養
以來京師其心將以有得於是而歸為父母榮也雖其父母
之心亦皆然詹在側雖無離憂其志不樂也詹在京師雖有
離憂其志樂也若詹者所謂以志養志者歟詹雖未得位其
名聲流於人人其德行信於朋友雖詹與其父母皆可無憾
也詹之事業文章李翱既為之傳故作哀辭以荷余哀以傳
于後以遺其父母而解其悲哀以卒詹志云永仕與交于遠
遠其鄉父母之命于奉以行友則既獲于祿實不豐以志
為養方何有牛羊事實既修兮名譽又光父母忻兮常若
在旁命雖云短兮其存者長終要必死兮願不未傷友朋親
視兮藥物甚良飲食孔時兮所欲無妨壽命不齊兮人道之
常。在側與遠兮非有不同山川阻深兮竟魄流行祀祭則及

方勿謂不通哭泣無益方抑哀自疆推生知死方以慰孝誠
嗚呼哀哉方是亦難忘

楊氏子承之哀辭

柳子厚

祿醜熙方承貞則懿文章方好循直誠耿介方又綽寬學之
勤方行弥專質圭璋方文虎豹超凌厲方馳聖道方未具方
志求通道之遠方足先窮有母噉方有弟哀號世文孔悲
方湘水滔人方去昭曠方沉幽冥魂冥方竟難託死者靜方
生者愁子之淑方徒增憂志方良方命甚蹙子之生方又何
欲悲吾耳方勤吾神誰使子方淑且仁嗚呼已乎不可追終
怨苦方徒何為

哀陸長源鄭通誠辭

白樂天

嗚呼其受妻徐之葬方真惟其歿惟善人方邦之紀綱邦之
瘁方正人先亡謂天之惡下民方胡為乎生此忠良謂天之
愛下民方胡為乎生此豺狼我欲階冥方問蒼方蒼之不
可問方俾我心之盡傷悲夫而今而後吾知夫天難忱而命
靡常耶

宋

仁宗皇帝哀冊文

韓推圭

惟宋受命與天無疆藝祖以武底寧四方神宗以文萬邦一
王真庙紹隆赫然其光逮夫仁宗益熾而昌厥生之初上帝
惟祐天日之表振古未覩色出圭璋步嚴龍虎其得真人來
綏下土元良之建七鬯是主寢門之間惕若文武嗣訓之循
纂承丕緒左右獻后以蒙自處大運歸乾獨化陶甄進良黜

姦始章聖權其仁如天其度如淵其仁伊何得之自然草秀
而茁蟲飛而翔尚不思傷况吾民焉惠澤之霑滂洋幅員物
無不滋四十二年猶如天弓化功則全其度伊何汪然莫際
巨細必容默分誠偽臣在言職不知諱忌特肆詆訐衆嫉狂
易聖心怡然曰此忠義是也吾從過焉何戾猶如淵兮是能
致治明慎庶獄極于哀矜惟法所在未嘗妄刑郡邑之吏至
之詳平一失入罪無階顯榮尊為天子以儉為貴崇尚清虛
屏介紛麗向緣不懌輔臣入視殿幄蕭然茵衾故敝率用緇
素了無文綺衆目驚嗟上曰何喟吾之受用素止如是此民
膏血烏敢妄費祭事天地孝承祖宗九見圓立再祗合宮大
裕于廟親藉于東服器精備案盛潔豐小次不御秉圭顯
躬惟髦盡得巖穴幾空有將有相曰曰庸敢視三代吾其
比崇北胡之強西夏之獠時必似跳梁恣其貪嗜吾以威懷折
其凶銳兩皆搖尾從我羈餌一變梯航琛賫日至禮樂具修
干戈不試夫惟立嗣天下之基前世令王或牽以私事不前
定瀆于亂危我出獨斷挺然不疑求賢于宗唯聖是知神聖
之重其傳有歸廟社以安生靈以嬉迹其大公堯舜之為昔
在人上必有偏好或樂馳逐或喜征討或務宴遊或專營造
或耳聲色或泥丹竈某突之工整于拂之妙有一于此下從而
噫吾仁宗澹無所樂曰吾好者在勤政道日必盱眙惟先之
紹間時弄翰或隸或草聖帝之揮千奇萬巧去冬之暮清燕
之間再闕天闕詔呼從官親作拋白侍臣縱觀心合造化生
成筆端書幅踰百大均寵

群玉行觴盡歡嗚呼哀哉

墨尚濕痕章未刊植壁斯度遽有金滕之禱綴衣遂徹俄承
玉几之言嗚呼哀哉大變之來一六傾地裂四海之慟風號雨
血兆民震駭其無生石辟冤呼一而僅絕乘雲之游兮汗漫而
自高持頰之慕兮僵仆而徒切凶疑前會之非常似與群臣
之叙訣嗚呼哀哉候律云凜譖言少協元嚴屢路以方駕視羽
幢兮始前池竹搖雉車旗飾鸞有朱雀之通塗指青龍之吉
山關路長兮去復去宮車晚兮還不還痛徹六宮兮莫如浙
淚灑重瞳兮胡可攀嗚呼哀哉與日晝昏愁陰夜積卷晴電
於丹旆蕩霜波於素帶悲茄互咽六州之奏增悽駿嶽前瞻
萬歲之聲何聞大隧一肩幽堂永寂人間之恨空長帝所之
歡豈極嗚呼哀哉秦漢而下御紀于民憂越三紀統聞數君
平乃彼安敢望吾之清塵生而無窮者厚車德而不息者

宣仁聖烈皇太后哀冊文

畢公上

皇矣大宋寶命自天重明累聖跨成軼宣正后在中契于坤
乾較任比姒亦逾于前有系自姜源深積厚功即我朝方虎
是偶奄韓宅魯益昌厥後月瑞日符是興太母以鏢大母躬
義率仁居靜猶地含和如春正素自稟聰明夙因作合英祖
齊昇並曜受養神考陰功善教體道不違惟德是儆元豐末
命帝命惟辟聽斷勉同以補天隙擁位神孫立民之極恭以
勸人儉惟化俗衣有大練奩無片玉房闈不出四迨在日信
義由中九夷思服如鑑不塵如璞不緇三事大夫正直是咨
宗藩外戚滲漑惠慈人爵王官雖卑不移相謁靡行外朝靡

踐池籟靡臨惟正是勉服御靡更惟惡是善庸亦萬方為則
為典左右皇躬動有壇宇居由範防造次于是崇隆且昌如
天清明霽日之光治化方成憂勞亦至外若平岳中潛遺屬
坤軸軋以夜推月輪翩而曉墜守大化之靡怛尚斯民之為
意嗚呼哀哉珠箔低垂芳雲霧猶隔蕙帳髮鬢云爐烟未銷
想仙馭以何適謝人寰而已遙萬乘號慟哀纏九霄于宮綰
素雨泣東朝嗚呼哀哉人與神兮變何速秋復春兮時以俱
犧罇盈芳未忘於平昔池綉動兮難留於須臾習艾妻以為
衛陳六衣而沈塗嗚呼哀哉野蒼茫兮人漸遠仕徘徊兮天
欲晚邇洛澗兮嗟備物之如在逾華岸兮知神游之不返山
川已兆於真宅松栢猶疑於故苑嗚呼哀哉玉晦龍蟄金藏
惟朝於百神魚惟炬以非日鴈長飛而不春嗚呼哀哉成內
則於三朝貽素風於千祀致理之勤兮今已往大道之公兮
古如此何遠其家以為國而憂其民之猶子宜大書而作冊
俾永光於宋史嗚呼哀哉

欽聖憲肅皇后哀冊文

李邦直

我宋隆康息漸動植遠惟暨爾生成滋息趨走賢智修官德
職遐及四裔左社重譯維相向公梁棟宗祏逮女曾孫道容
瑞國蚤歸王藩旋被禴糝至性溫々令儀翼翼道意禮學生
知自得慶壽寶慈問安昕夕執卷寒暑端莊不具內輔神宗
贊助陪益凡厥見聞舒徐啓迪十有九年晏察以接萬邦託
慈六宮仰式約省外氏湯沐脂澤斯世丕平陰德多績比懿
夏商塗山簡狄姜源大妣聯袂並局元符三祀歲執徐直正

月已外，變同割。魏之哲宗，武威文德。夫何弗祐，忽遘寃空。
上嗣考，廟將決。大策于時，弼臣或蔽。邪慝輒進，異論欲倒。白
黑賴我，聖母沉潛。剛克折之，陛前氣殫。語塞庭羅，犀渠梁門。色
闌戟，龍德利見。人寰慶懌，一指顧間。長寧社稷，壁立如媽。皇三神工
廟力，鍊石補天。斷鼉立極，冲融宇宙。泥濘深滌，滌麻。暨不登，歷
寃不釋。臣嘗侍對，與聞訓教。曰我皇帝，聖材天錫。子道勤忘
政事，祗惕治本。亂原講磨，紬繹惠心。溥之物理，研覈帝堪。多
難予復，明辟何俟。祔饗始還，禁國幸濟。初艱後罔，餘責重下
教告。亟就安適，帝掖以留。懇款裝積，數請弗回。推壘卻藉，教
盡今茲。事高往昔，者漢馬筮。固多悼色，其於邦民。憂不離臆，
動履仁儉。示先壺，則服無珠璣。器無瑤碧，亦不繪。棄捐經
窮賦石，禮君山川。猶期千億，升靈寔等。終厄佛佛，世書
喪氛夜赤，侵象告凶。軒星示坼，數圮坤元。景淪望魄，五十八
載。馳光度隙，嗚呼哀哉。梓匠奏工，嬪娥罷飾。帳殿先塗，殯堂
撤席。縞士鼎，絳旌奔。左背城闕，右徑阡陌。鼓騎趁趨，錦
車咿意。蕭笳悲吟，鹵簿哆赫。萬類奪輝，四民聚戚。御服直麻，
皇情竅棘。嗚乎哀哉，霧雨故宮。萋苔舊城，鳳幌蕭森。獸扉虛
寂，輦路鑿奩。孰非陳迹，引望山園。涕濡竹柏，惟有微音。長留
寶冊，嗚呼哀哉。

鍾子翼哀辭

蘇子瞻

崆峒摩天，章貢激石。致兩確高深，相臨悍堅。相排凶嶽，
故其民勇而尚氣。巧巖斷而其君子抗志厲節，敏於學，篤於

鍾君冰于德淵自深濯貧不怨天賤不求人老愈慙嘉言一
發排難解紛已殘剝吾先君子南游萬里道阻貌如金未斃
木未繩墨玉未琢君於衆中一見定交陳禮樂曰子不飲我
醪甚甘醴此濁覽觀江山扣歷泉石步聲確先君北歸君老
于處望南朔我來易世池臺既平墓木握三子有立移書問
道過我數我亦白首感傷童心隕淙漚是身空虛俯仰變滅
過電電何以寓哀追頌德人詔後覽

周君伯寬哀辭

郭正表

典謨之巍々兮訓誥之閑深匪詞之難喻兮難明者心家學
淵源兮匪今斯今軼歐陽凌夏侯兮既渾灑之難尋文以鳴
道兮匪以干時聖哲而神遇兮何憂乎肆筆之無奇膏馥
從容不于朝市兮與墨之中文有餘富兮身出為窮言有
後兮德潤斯豐我懷斯人兮懷哉一言慮有係安危兮言有
回天嗚呼六合兮凡幾推遷惟言之不朽兮心所同然斯人
無死兮庶幾與言

過楊忠襄墓哀辭

游九言

山雲起兮陰々木嘯風兮蕭森晉荒榛兮頽隄野鳥怨兮清
音噫丙午兮燕安藹薦紳兮多盤繫苞祭兮弗戒渝舊好兮
開邊釁生兮召戎瀕大地兮塵蒙祭承平兮百載莽夷門兮
廟宮我踰邠兮梁山蛇游食兮江干擁貔貅兮首鼠紛雅拜
兮後先獨一兮慨陳人自靖兮此身寧為鬼兮趙氏肯涅緇
兮虜庭看醴飼兮苟哺弗自知兮貌頽握玉麟兮拜犬豕曾
莫嗅兮日余兮獨死汝尸坐兮偷生振英聲兮堵下

氣烈動兮清寧。名義兮身世。九鼎重兮一羽輕。翳兮幽
藏。頽陽照兮山荒。髮毛爪齒兮一世同腐。廟貌圭衮兮千古
之光。春秋兮代謝。勿替兮蒸嘗。

元

平章政事廉公哀辭

李元禮

嗚呼哀哉。識公於生之日。哀公於死之後者。人情也。哀公於
死之日。昧公於生之前者。人情也。嗚呼。識而哀。一人之私哀
也。哀而不識。天下之公哀也。方公之在相位也。朝廷倚之以
為重。四夷賴之以為安。萬民化之以為治。陰陽調和而品物
無不遂矣。及公以病去位也。天下皇皇。祝公無恙。豈期沈疴
反復而竟不起矣。嗚呼哀哉。蒼天果蒼之耶。胡為遽奪
公以。嗚呼。哀哉。蒼天果蒼之耶。胡為遽奪
在天壤間。幾廿幾年。復為賢相耶。不然。將升而為星辰。峙而
為山嶽。流而為海。為江耶。嗚呼。作善降祥。不善降殃。何此理
之反常而不可明耶。故余誄公以辭者。蓋非一己之私傷。亦
以公天下之哀。而哀萬民之失所望也。

林處士哀辭

袁伯長

氣清明兮受元陽。德彌中兮闇以章。挈太古兮儼九皇。播絜
精兮瓊圃芳。力未具兮志則專。一葦渺兮濟巨川。慨不進兮
道遠。澶白晝。凍兮陰風旋。數寔紀兮吾何愆。路孔脩兮神獨
還。靈旒遷兮木葉丹。儼夫人兮在空山。玉蓉冠兮紫佩蘭。

丁文苑哀辭

許有壬

天之生才兮亦孔之艱。前不知其幾世兮。後復幾年。何林林
之百萬兮。獨斲於賢器。方適用兮。陶復不堅。雲未雨而掃蕩。

兮。華未實而摧殘。豈矧繳之在天兮。惡有翼之高騫。冥冥之中兮。孰司其權。昔君之北兮。歌呼水壩。今君之來兮。丹旆翩翻。藥膳匪良兮。道路迢遘。妻子睽隔兮。良友棄捐。我哀曷忘兮。我言有彈。西山蒼兮。惟所便安。玉樹森立兮。澤流有原。冀伸於後兮。以報其前。破不可完兮。逝不可旋。惟生無媿兮。雖歿猶存。脩短有數兮。吾其舍旃。馬革墮下兮。非蟻則焉。九原有知兮。其然不然。

國朝

王處士哀辭

王禕

括蒼之山。峯嶂復嶺。麻蒼穹。蜿蜒磅礴。孕靈蓄和。粹以融神。英拔精良。金勁鐵礦。在鎔少微。垂象晶采。霍翕上下。通光氣膠葛。厥生偉人。居其中。猗處士君。產才甚微。器甚豐。神完志暢。維內剛直。外謙冲。抑遏不振。匪世不用。時不逢。闕全葆真。以樂其天。樂其窮。既孝以友。既信以我。達家邦。是亦為政。豈必智名。并勇功。繫古之人。大丘少室。將無同軌。世範俗庶。幾永遠承。休風。期願未迄。胡為一疾。遽長終。嗟鄉之人。懷仁戀德。誰適從。白雲寥。青山窳。儀刑空。嗚呼悲乎。詞不多薦哀悃。

正固先生哀辭

楊士奇

惟民從道兮。克善行。智有弗及兮。道不可明。仰彼先覺兮。揭蒙發蒙。嗟若先生兮。昭哉博聞。服仁與義兮。秉忠貞。稽諸天常兮。考明經。言為訓式兮。行儀刑。濯湘流之清潔兮。佩澧蘭之芳馨。擘威鳳其五章兮。何不游乎虞之廷。止高岡之梧桐兮。獨雍。而時鳴。雲鴻遵游下田兮。斥鷃翔於青冥。小大胥適匪宜兮。羌獨偃蹇乎林垆。嗟若先生兮。其誰與擬。考德而問業兮。日誦。兮其來止。惟匠石之良兮。斲梁棟以杞梓。材雖小而畢達兮。于楛臬而猶無棄。白玉不遇夫磨琢兮。雖良質而焉試。夫既自我成之兮。固處賤而道貴。嗟若先生兮。何不可以少留。何為一旦兮。溘風飄而雲道。吁嗟失筮與龜兮。吉凶乎吾何所。諷紛盲瞽其避。活一兮。又孰明夫道所由。終焉。如夜遊於乎先生兮。委山上丘。空望龍門兮。中耿耿而增憂。

周尚志哀辭

惟先殖基。篤其敷貴。世有書詩。此迨于光生。始其弱齡。惇信而貞。此冠而敏學。從我先覺。匪階祿爵。此吾親之思。吾所得為。鞠躬敢辭。此族人昆弟。予同一氣。又敢廢義。此民之飢寒。輟衣與食。中心式安。此民予同。頽野死弗蓋。時予之痲。此凡民有爭。一言持衡。靡或不平。此父遺秉義。永矢無二。危禍不避。此賤貧自持。理亂弗知。朝恬夕嬉。此六十八年。埃風溘焉。儻逝不旋。此彼人無良。耄期樂康。孰可較量。此生遇上壽。沒顯有後。亦竟何夜。此景仲幾時。卒弗覲斯。曷予弗悲。此。

楊慶士哀辭

胡儼

若有人兮。好脩承華。胃兮西州。抱德美兮。襲淳德。王韞積兮。

不售華綵衣兮。絀親余愛兮。樂孔休。鹿之鳴兮。崇丘嗟子
衿兮。我求漸靡兮。息游繫我心兮。悠迎安輿兮。山之陬。攀
挂枝兮。聊淹留。何狡童兮。黠偷逞不軌兮。競文矛。倏承突兮。
怒獯肆毒。壑方仲叟。有昊兮。莫殺河浪兮。曷能收。既不余
兮。閔憂反繫余兮。見雙鷹。忽驚兮。為祀鳩。幸余鑒兮。悽。歎
遺骸兮。裳裘閉重泉兮。林之蔽。擷芳兮。採菜奉朝夕兮。綢繆
慨同氣兮。拘俘捐余珮兮。是醜念復路兮。回轉野。闕寂兮。將
誰傳對農人兮。事鋤耨。徒悵望兮。西疇歲暮兮。不我優。悲
鷓鴣兮。鳴鵙鷓。哀人生兮。迫酒脩短數兮。抑又何元。獨令德
方詒謀。鍾厥胤兮。遺麻慶澤兮。聲光流天之報施兮。孰云
其幽。

張節婦哀辭

嗚人生之中。曠兮。惟叙倫之。是存彼幽昧以無知兮。幾為
之為。群夫何一佳人兮。爰揭而貞。獨哀衆芳之蕪穢兮。藉
周容以逐逐。物固各有遇兮。安一醜於所天。冀君子之偕老
兮。頤同穴而為應。時命忽其中。阨兮。肆奔趨乎遠道。征鴻嗷
嗷以孤飛兮。心抑鬱而無告。余既感此離別兮。耿余懷其悽
愴。天蒼蒼而無緣兮。地盤盤而罔極。日居月諸兮。互東西
其出沒。曾不鑒予之嬋媛兮。願依曹娥之遺則。雲淒淒以凝
陰兮。水流寒以東歸。嘒逝者之如斯兮。吾將訊夫馮。哀謝氛
埃之穢濁兮。從湘妃以遨遊。鼓朱絃於清夜兮。聽離鷺之啾
啾。已矣哉。玉顏滅兮。昔塵絕。苔閣闕兮。芳魂結。江流兮。湯
澹。青山兮。一髮望夫君兮。亦來寄相思於明月。

林諭德哀辭

陳敬宗

嗟夫人之脩姱兮。蓄內美而孔威珠藏淵而玉蘊石兮。雖弗
眩而彌彰。嗽芳潤於六藝兮。掇百氏之奇英。奉天孫之巧思
方。織雲錦以為裳。呈補
明堂。絢餘輝以衣被兮。禮
勸黻兮。燁聖道之彌光。託
恩眷期必於末久兮。何遽
仙兮。豈屑求乎扁倉。將其
術祇足以澤物兮。胡寧害已而弗
防。昔云醫之聖兮。曰岐與
黃塚寔纍兮。理亦茫兮。均之稟
賦兮。死生其常。壽命之所
在。潞之陽有子哀兮。歸
于故鄉。揆理在所當遣兮。情實
忘懷哉斯人兮。能不盡傷。

孔氏母班宜人挽辭

閨範存奉甘旨兮。養舅止
允婦道兮。和純相于家兮。
室亦誥之兮。子孫惟其子
多祿。致孝養兮。承顏方白
之弗瘳。遂求歸兮。九原儀
德兮。莫覲。邈音聲兮。難聞
孤幼兮。惇之。思欲見兮。無
悲許生辭

天之生人。胡乃不均。孰賦
之才。孰主其身。姿之茂矣。不使其
遂質之良矣。不使其器。木
實類之齒之方少。如日始
升。忽焉而化。理不可憑。謂善弗修

奚有於慝。謂稟之強。胡茲夭厄。天耶命耶。吾實難知。溘焉爾生。如露斯晞。子之既沒。父悲曷勝。吁嗟已矣。何日而平。

李母邢氏哀辭

劉師郃

積之豐。芳孰汝乞之。報之萃之壽。不媿德芳。谷曷致天。方我維墜之。

嗇芳孰汝吝之。肅雍孝慈芳。衆善之有餘。爪髮芳。弗祿施之。於昭皇

